

四庫全書

子部

欽定四庫全書

萬姓統譜卷八十五

明 凌迪知 撰

上聲

二十一馬

賈武威商音唐叔虞少子公明康王封于賈以國為氏又云本自周賈伯之後又望出洛陽長樂

周 賈佗左昭公十三年文公好學而不貳生十七年有賈佗以為股肱

賈獲魯襄公二十五年鄭子展子產帥車七百乘伐陳宵突陳城遂入之陳侯扶其太子偃師奔墓  
遇司馬桓子曰載余曰將巡城遇賈獲載其母妻下之而授公車公曰舍而母辭曰不祥與其

妻扶其母以  
奔墓亦免

漢賈山

潁川人涉獵書記孝文時上書言治亂之道借秦為喻名曰至言其後文帝除鑄錢今山復上

書諫遂復  
禁鑄錢

賈誼

洛陽人文帝時河南守吳公薦之召為博士時年二十餘歲中趨遷至大中大夫誼請改正朔

興禮樂絳灌等毀之出為長沙王太傅帝後思誼召見宣室因問鬼神事至夜半帝不覺前席拜梁王太傅上治安策論者以為通達國體孫嘉好學世其家昭帝時為九卿

賈琮

字孟堅聊城人舉孝廉為京兆尹有政績遷交趾刺史招不軌之民民歌曰賈父來晚使我先

反今見清平吏不敢  
飯官至度遠將軍

賈讓

哀帝朝奏言治河有上中下三策通渠有三利不通有三害

賈護

字季平黎陽人尹更始以左氏春秋授胡常常授護哀帝時待詔為郎授蒼梧陳欽子佚與劉

歆竝有聞于時由是言左氏者必本賈護劉歆

賈復

字君文南陽人光武中興帝解左驂以賜之曰賈督有折衝千里之威拜執金吾封膠東侯圖

形雲

臺

賈逵

字景伯平陵人父徽受左氏春秋兼習國語周官尚書毛詩逵悉傳其業尤倜儻有大節明帝

時拜為侍中至和帝時內備帷幄兼領秘書甚見信用所著經傳義詁及論難百餘萬言學者

宗之稱為通儒

賈宗

護子字武孺少有操行多智畧拜郎中為朔方太守匈奴畏之不敢入塞

賈捐之

字君方誼曾孫元帝初上疏言得失待詔金馬門時朱崖郡反朝議大發軍擊之捐之建

議罷擊後以忤石顯下獄棄市士論痛之

賈彪

字偉節定陵人志節慷慨為新息長黨事起士皆寒心彪入洛陽訟之遂赦黨人兄弟三人竝

有高名天下稱曰賈氏三虎偉節最著云

三國賈逵

字梁道襄陵人魏文帝時為豫州刺史外脩軍旅內治民事長吏不如法者皆奏免之帝曰真

刺史矣通運渠二百里名賈侯渠子充仕晉至尚書

賈翊

武威人少時人莫知惟閻忠異之謂其有良平之奇察孝廉為郎歷平津都尉魏文帝即位以

為太尉卒

諡敬侯

晉賈疋

武威人。曾孫愍帝時為雍州刺史。封酒泉郡公。嘗擊敗劉曜。襲蕩。仲殺之後。為蕩仲子夫護。

所害疋。勇畧有志節。以匡復晉室為己任。不幸顛墜。時人咸痛惜之。

賈充

字公閭。達子。仕晉為尚書。死。立外孫韓氏為子名諡。仕晉為秘書監。開閣延賢。與潘岳等為二

友十四

賈堅雋

康帝時為泰山太守。嘗立小學于顯賢里。以教胄子。晉將荀羨攻山荏。拔之。雋遇害。

賈渾

惠帝時為介休令。及劉元海作亂。遣其將闕晞攻陷之。渾抗節不降。曰。吾為晉守。不能全之。豈

苟求生。以事賊虜。何面目以視息世間哉。晞怒。執將殺之。晞將尹松曰。將軍舍之以勸事者不

聽遂  
害之

南賈彝

姑臧人父為苻堅鉅鹿太守坐訕謗繫獄彝年十歲詣長安訟父獲伸遠近歎之弱冠為慕容

垂遼西王農記室叅軍魏道武聞其名嘗遣使求彝及即位拜為尚書左丞叅預國政

賈思伯

齊郡益都人仕魏官至安東將軍廷尉卿思伯自以儒素為業不好法律時議建明堂多

異同不合思伯乃上議考訂甚詳學者多善其識後轉上都官以太保崔光薦為侍講授肅宗左氏春秋卒諡文貞

賈思同

思伯之弟仕魏歷官襄州刺史雖無明察之譽百姓安之元顥之亂思同獨不降莊帝還

官封營陵縣男後為侍講授靜帝杜氏春秋加散騎常侍拜侍中卒諡文獻時國子博士衛冀

隆精服氏學上書難杜氏春秋六十三事思同復馭冀隆乖錯者十一條互相是非積成十卷

詔下國學集諸儒考之事未竟而思同卒

賈恩

諸暨人少有至行母亡未葬為隣火所逼恩抹棺燒死宋元嘉中贈天水郡顯親左尉

賈洪

字叔業蘇荀字文通竝仕魏為參軍時語曰州中曩曩賈叔業辨論不窮蘇文通

賈瓊

王通門人與董常姚義等北面受王佐之道

賈希鏡

家傳譜學嘗撰氏族要狀及人名書宋孝武時青州人發古塚銘云青州世子東海女郎

帝問學士鮑照徐爰蘇寶生竝不能悉希鏡對曰此是司馬越女嫁荀晞兒檢妨果然

隋賈瓊

受學於文中子性明敏治禮記與房喬魏徵齊名文中子嘗稱之曰瓊也明而毅可謂達道君



子矣

唐賈耽

字敦詩南皮人天寶中舉明經第歷遷汾州刺史政有異績後拜尚書右僕射同平章事卒耽

嗜觀書老益勤悉地理家人近習不見其喜愠世謂淳德有常者

賈至

字幼隣從玄宗幸蜀知制誥帝傳位至當撰冊既進藁帝曰昔先天誥乃父為之今茲命冊又

爾為之兩朝盛典出卿家父子可謂繼美矣

賈循

京兆人父會有高節親亡負土成墳廬其左號關中曾子卒縣人私謚曰廣孝徵君

賈曾

河南人玄宗為太子遴選官僚以曾為舍人俄擢知制誥共蘇晉同掌皆以文詞稱時號蘇賈

賈敦頤

宛句人仕歷數州刺史性資廉潔入朝常盡室行車一乘弊甚羸馬繩羈道上不知其刺

史也久之為洛州司馬敦頤累下獄太宗赦之  
曰人孰無過吾去太甚者徙瀛州多豪右占田  
數踰制敦頤舉役者三千餘頃  
以賦貧民發奸摘伏下無敢欺

賈敦實

敦頤弟咸亨初為洛州長史政尚寬惠洛陽  
令楊德幹性酷烈杖殺人立威敦實賞喻

止之始洛人為敦頤立碑大市傍及敦實入為  
太子右庶子洛人復為立碑于其側故號棠棣

碑歷懷  
州刺史

賈島

字閻仙范陽人初為浮屠游東都韓愈教屬文  
遂捨浮屠舉進士為長江簿有詩名會昌初以

晉州參軍  
遷司戶

賈載

至德中為河州  
刺史建秋興亭

賈餗

字子美河南人少孤舉進士第一又策賢良授渭南尉擢考功員外郎知制誥敬宗時拜常州

刺史入為吏部侍郎再遷京兆尹兼御史大夫拜相

賈直言

河朔人代宗時代父飲鴆立死後蘇與父俱流南海行時與妻董氏訣曰生死不可期吾

去女亟嫁董不答引繩束髮封以帛曰非君手不解直言居南海二十年乃還置帛依然

賈隱朴

華原人循子德宗時為永平兵馬使當入衛屬朱泚難率衆扈行在賊圍急隱朴與侯仲

莊力戰圍解拜神策統軍

五代賈郁

閩王審知時補仙游簿秩滿為令正身奉法邑人饋薪菓郁曰古人畏四知今所知者倍於昔

人可不畏乎竟不受及代去一吏醉郁怒曰吾再任必懲之吏揚言公若再來猶鐵船渡海後

郁果再任時醉吏盜庫錢獄具批曰竊銅鏹以潤家非因鼓鑄造鐵船而過海不假鑪錘

**賈緯**

長于史學唐自武宗已後無實錄緯采次傳聞為唐年補錄六十五卷唐末諸侯強盛征伐擅

出天下多事故緯所論次多所闕誤而喪亂事迹粗存亦有補于史氏入晉漢同脩實錄初桑維翰為相常惡緯緯為維翰傳言維翰死有銀八十錠徐台符以為不可非緯緯不得已更為數千晉高祖天福中為起居郎史館脩撰

宋

**賈玘**

字仲寶五代晉進士宋初為刑部郎中終吏部員外郎知浚儀縣年七十卒玘嚴毅善教于士大夫子弟來謁者必諄諄誨諭之

**賈黃中**

字媧民耿四世孫年六歲中神童十五擢進士太宗時知昇州按行政府庫得南唐寶貨

十積悉表上之太宗嘉其潔召還知制誥遷翰林學士兼掌吏部選品藻精當官至叅知政事

**賈琰**

獲鹿人晉給事中緯之子以蔭累官樞密直學士三司副使琰風神峻整有吏幹太宗尹京琰

為推官勤于所職子湜汾皆仕于時  
孫昌符賜同學究出身昌齡第進士

**賈昌朝**

字子明琰從孫天禧初賜進士為崇政殿說書慶厯間拜同中書門下平章事嘗判大名

府鄭許州建議請脩河故道救民水菑全活甚衆後封魏國公卒謚文元所著有奏議文集百

餘卷子炎官  
至工部侍郎

**賈同**

字希德臨淄人篤學好古有時名舉進士王欽若方貴盛欲致之不往天聖初上書言丁謂造

符瑞欺先帝今宜明告天下以徵其謬又言寇準忠亮不宜貶黜累官殿中丞卒門人謚曰存

道先  
生

賈品

字民瞻開封人少善騎射起家從戎累官步軍都虞候濠州團練使品在兵間二十年有智畧

能拊御士卒所向輒勝時稱為良將

賈黯

字直孺鄧州穰人擢進士第一累官給事中權御史中丞嘗合議以濮王為皇伯執政弗能會被疾以翰林侍讀學士知陳州未行卒口占遺奏數百言猶以濮王議為請初黯母陳歸宗繼母史在堂後迎陳歸二母不相善黯能安以事之黯脩潔自喜在朝數言事人稱其介直

賈亨彥

元祐末掛冠與吳師道等為七老

賈易

字明叔無為人元祐進士為侍御史上書言天下大勢可畏者五一下上相蒙二政事苟且三

經費不充四人材廢缺五刑法失  
中官至吏部侍郎以侍制知鄧州

賈公望

字表之昌朝孫資稟甚豪嘗謂仕宦當作御史排擊奸邪否則為將攻羌戎知蘇州疾朱

勳父子與奔競其門者為詩自厲因以刺之云  
正直之流少傾邪朋類多陽光一銷爍不復見

妖魔朱  
大銜之

賈逵

藁城人從狄青征儂智高立功累官嘉州刺史  
又歷涇原高陽關麟延路副都總管所至皆著

功能元豐中拜建武軍節度使請不俟郊赦贈  
三世官神宗曰逵武人能有念親之志其特聽  
之

賈泰亨

京山縣尹一新學  
校有惠政及民

賈昌衡

字子平第進士歷諸路轉運使熙寧更法度核吏治昌衡數以利害聞神宗獎其忠益召

為戶部副使增秩右諫議大夫加集賢殿脩撰知河南府以正議大夫致仕卒

賈炎

字長卿以昌朝蔭更歷堯庫累遷顯謨閣侍制知應天府與蔡京論錢法童貫治盜事不合改

河陽又改鄧州加直學士知永興入對留為工部侍郎卒

賈安宅

字居仁烏程人大觀三年狀元累官至戶部侍郎歷仕三朝屢司文柄其所撰掄皆得成

材徽宗嘗手

詔獎諭之

賈如規

字元範樂清人宣和中補太學生靖康之亂諸生欲逃去如規特奏名調廣昌尉捕盜有

功再調興國軍司理不赴重義好施族里賴之時稱尚義者必賈司理云



賈廷佐

東陽人剛毅有大節高宗時為大理司直秦檜主和議廷佐上書力言不可乞斬王倫以

謝天下忤檜意  
出通判湖州

賈青

字春卿韓城人昌朝子紹聖中知蘇州除兩浙轉運使

賈偉

天台人嘗守開江貽書丞相趙雄極論武興守吳挺之橫他日陛對又乞裁抑郭棗郭杲兵權

孝宗嘉納之後  
反為所擠以沒

賈涉

字濟川偉子幼好讀書慷慨有大志以父任高郵尉累官淮東制置使綏撫遠近甚得人心後

涉亡淮人思之有泣下者卒贈  
龍圖閣學士光祿大夫子似道

賈子坤

懷安軍人嘉定末進士為西河州推官闕外被兵子坤與郡守陳寅誓死以守城陷同家

口死之追贈承議郎官其子仲武孫昌忠純孝同登咸淳進士純孝後為右司郎中厓山師敗

抱二女及妻  
牟同蹈海死

### 賈收

字耘老烏程人有詩名喜飲酒其屋有水閣曰浮暉李公擇蘇子瞻與之游倡酌極多子瞻游道場回值風雨泊舟登浮暉閣命官奴秉燭掃風雨竹于壁間後刻石于墨妙亭收素貧東坡每念之嘗寫古木怪石書其後以贈云今日舟中霜寒十指如懸槌適有人致嘉酒遂獨飲一杯醺然徑醉念賈處士貧甚無以慰其意為作古木怪石一紙每遇飢時輒一開看飽人否若吳興有好事能為君月致米三石酒三斗終君之世者便以贈之不爾可令雙荷葉收掌須添丁長以付之也雙荷葉耘老侍姬添丁耘老之子後蘇去耘老作亭以懷蘇名之有詩一編號

懷蘇集

賈逸祖

字元放邯鄲人好古博學嘗應詞科寓居天  
王寺空如懸磬安貧守道有半隱齋笠澤陸

公游為  
之記

金賈鉉

博平人性純厚好學問大定中進士為諫議大  
夫上書論有司決杖不如法及棟茶害民事皆

從其請累官至禮  
部尚書叅知政事

賈益謙

沃州人大定中進士歷仕州郡以能稱累官  
御史中丞遷至尚書左丞致仕其於衛紹王

能盡事君之義時議偉之三子  
賢卿颺卿翔卿皆以門資入仕

賈少冲

字若虛通州人勤學日誦數百千言第進士  
累官左補闕嘗使宋宋方有祈請金主諭以

意少冲曰臣有死無辱宋別致珍異少冲笑曰  
行人受賜自有常數寧敢以賂辱君終不受使  
還世宗嘉之遷右諫議大夫  
子益亦舉進士累官太常卿

賈進

大同人大德中地震居民多傷且乏食進給酒  
米藥炭濟之每歲冬製木綿裘數百襲衣寒者

買地為義阡使無墓者  
葬之有司以聞旌其門

元賈輔

蒲陰人初仕金為祁州刺史以衆歸太祖時張  
柔開府滿城命輔行元帥府事於祁州從定山

東遷左副元帥柔將兵在外輔常居  
守累功領順天河南等路軍民萬戶

賈文備

輔子襲父左副元帥嘗領所部屯亳州攻武  
磯堡以戰守有功累遷湖廣行省叅知政事

追封武威郡  
公諡莊武

賈居貞

獲鹿人事世祖于潛即嘗陳說通鑑納君于善從平宋有功累遷湖廣行中書省事弛湖

荻禁聽民漁樵漸黃寇起有請盡殲鄂之豪族者居貞曰豪族初無與知奈何誣誅後遷江西

行省叅政卒諡文

正子鈞官至叅政

賈魯

高平人幼負志節既長謀畧過人延佑至治間兩以明經領鄉貢累官監察御史至正初河決

金隄命魯行都水監魯循行考察進二策命魯以工部尚書總治河役河復故道累遷中書左

丞

明

賈昭

濟陽縣人洪武中由舉人任靈石教諭學行卓越歷官湖廣布政司左叅政未幾改任廣東卒

于官

賈驥

洪武間新昌知縣廉謹自守九載滿去民擁道涕泣挽留不已

賈銓

字秀納邯鄲人永樂甲申進士擢刑科給事中掌科事蜚聲諫垣當道者嫉之遂出知大理府恩威兼著會與兵征麓川大理其要衝也銓料理軍需雖用師數年事集而民不擾用靖遠伯王驥薦累遷雲南布政使久任成功民夷感頌後召還滇南都察院左副都御史撫山東河南

敦歷中外勲業日偉而聞望日隆矣  
召掌院事以疾卒遣官諭祭諡恭靖

賈忠

字能誨冀州人永樂中任吳江知縣有兼人之材處已廉明臨政勤恕秩滿百姓上疏懇留

賈麟

曲陽人永樂中以博學明經儒士薦用歷官有志節累陞廣東右布政使

賈諒

嶧縣人永樂中鄉舉擢刑科給事中正色敢言朝廷重其為人委以糾察事情務行大體歷陞

都察院右副都御史別歷  
中外聲譽大振尋卒于官

賈斌

安平人山西行都司天城衛令史上言漢桓靈  
權歸宦豎文宗受制家奴宋徽欽聽用閹寺皆

馴致敗亡太上皇失征亦由此輩臣于歷代直  
諫盡忠之士與恃寵宦官錄成四卷名曰忠佞  
錄乞刊布臣僚庶羣臣有所觀感而宦寺亦不  
敢縱肆矣事下禮部坐以妄言擅離職後發回  
原銜為民  
莫究所終

賈真

字希召巴人景泰進士以御史巡按南畿有聲  
成化間知蘇州府不事改作郡不勞而治為人

方巖端肅操守介潔始  
終不渝官至副都御史

賈錠

字良金安陽人成化  
戊戌進士歷都御史

賈詠

字唱和河南臨潁人弘治進士歷官少保太子太保吏部尚書武英殿大學士諡文靖

賈啟

字啟之黃岡人正德辛未進士歷都御史

賈應春

字東陽真定人嘉靖癸未進士歷官兵部尚書

馬

扶風羽音羸姓伯益之後趙王子趙奢封馬服君子孫氏焉

漢馬宮

字游卿東海人治春秋嚴氏以射策甲科為郎師丹薦其文行遷廷尉平青州刺史汝南九江

太守所在見稱徵為詹事拜大司徒代孔光為太師封武德侯

馬武

字子張湖陽人從光武破王尋擊羣賊力戰無前為騎都尉建武初拜捕虜將軍數從征有功

定封楊虛侯後擊破西羌復增邑焉



馬臻

永和中為會稽守創中鏡湖在會稽山陰縣兩界築塘蓄水高丈餘田又高海丈餘若水少則洩湖灌田水多則閉湖洩田中水令海塘成郡無凶年其陂塘周迴三百一十里溉田九千

餘頃

馬成

棘陽人世祖徇潁川調守邾令從征伐平江淮地封平舒侯從征破隗囂以為天水太守後代李通行大司空事拜揚武將軍出屯當山以備北邊遷中山太守定封全椒侯卒子衛嗣

馬淵

為隴西太守牛崇為主簿羊嘉為功曹郡人謂之三牲

馬援

字文淵茂陵人援三兄況余員皆仕為二千石援嘗辭兄況就邊郡田牧況曰汝大器當晚成建武初為隗囂奉書詣洛陽見光武後遂歸漢拜隴西太守伏波將軍討平交阯及武陵蠻從

弟少游四子廖防光客卿  
族孫稜官至廣陵太守

馬少游

援從弟嘗謂援曰士生一世但取衣食裁足  
乘下澤車御款段馬鄉里稱善人斯可矣援

征交趾在浪泊西里間下潦上霧仰視飛鳶  
跼跼墮水中卧念少游平生時語何可得也

馬客卿

援末子幼而岐嶷六歲能應接諸公對賓客  
外若訥而內沉敏援甚奇之以為將相器故

以客卿  
名馬

馬融

字季長茂陵人美辭貌有俊才受學摯恂博通  
經籍永初間拜校書郎以忤鄧氏滯東觀十年

不得調後為河間王廙長史召拜郎中桓帝時  
為南郡太守融才高博洽為世通儒教養諸生  
常有千數所著述甚富坐高堂施絳帳前授  
生徒後列女樂以次相傳鮮有入其室者

馬廖

封順陽侯弟防順陽侯次弟光許陽侯幼弟容卿幼而岐嶷援奇之以為將相器兄弟貴盛資

產巨億大起第觀連閣臨道彌街路多聚聲樂杜篤之徒數百人常為食客有司奏其奢侈踰

制悉免

就國

馬嚴

字威卿弟敦字孺卿援子也居鉅下交結眾賢竝知名當世三輔稱其行義號鉅下二卿援嘗

為書戒之有刻鵠畫虎之喻

嚴七子固伉歆鮪融留續

馬續

度遼將軍典邊日久深曉兵要降右賢王部萬三千口

馬稜

字伯威漢章和初為廣陵太守有治行蝗飛入海化為魚鰕吏民刻石頌之

馬適求

鉅鹿人以布衣連郡國數千人謀誅莽不克死之

三國馬超

字孟起茂陵人輔漢昭烈以功封定西將軍遷左將軍卒諡曰威

馬良

字季常宜城人兄弟五人並有才名良眉中有白毛鄉里諺曰馬氏五常白眉最良昭烈領荆

辟為從事即位以為侍中及東征吳遣入武陵招納五溪蠻夷渠帥皆受印號會昭烈敗績良

遇害乃拜其子

秉為騎都尉

馬謖

字幼常良弟仕昭烈為越雋太守才器過人好論軍計亮深器異之以為叅軍與魏將張郃戰于街亭敗績下獄

死亮為之流涕

馬叅

閩中人仕蜀漢為廣漢太守有治行累官至尚書僕射

馬忠

閩中人事蜀漢昭烈狎狗太守撫育恤理甚有威惠又開復越雋土地忠為人寬濟有度量處

事有斷蠻夷畏愛及卒莫不流涕盡哀為之立廟

晉馬隆

字孝興平陸人少智勇好立名節泰始中兗州舉隆堪良將稍遷司馬督初涼州為羌戎樹機

能所沒以隆為武威太守隆到武威奇謀間發出敵不意賊以為神涼州遂平太康初為平虜

護軍擊南虜成奚進封高縣侯子咸嗣為鷹揚將軍没于陣

南馬樞

字要理茂陵人六歲能誦孝經論語及長博極經史尤善周易老子義梁邵陵王剌南徐州素

聞其名引為學士侯景之亂乃隱茅山有終焉志陳文帝徵為度支尚書辭不應命

馬敬德

河間人好儒術北齊時舉選至都授國子助教遷博士武成為後主擇師傅入為侍講兼

國子祭酒終瀛州大中正

馬仙埤

字靈馥邵人少以果敢聞仕齊位豫州刺史梁武起兵使姚仲斌說之埤斬以徇又遣其

族叔諭曰大義滅親又欲

斬之城陷不降檻送建康

隋

馬光

字榮伯武安人少好學從師數年晝夜不息圖書讖緯莫不畢覽尤明三禮為儒者所宗開皇

初高祖徵山東義學之士授太學博士嘗因釋

奠高祖親幸國子學王公以下畢集先升座講

禮啟發章門已而諸儒生以次論難者十餘人

皆當時碩學光劄折疑滯理義弘贍論者咸共

推服上嘉而勞焉初教授瀛州博問

門徒千數至是多負笈從入長安

唐馬嘉運

魏州繁水人少為沙門後還治儒學嘗講授白鹿山受業者千餘人貞觀中召拜弘文館

學士嘗指摘孔穎達五經正

義之疵當世諸儒服其精博

馬周

字賓王往平人少孤家貧嗜學善詩春秋貞觀中拜監察御史累陳時務帝皆稱善累遷中書

令帝嘗以飛白書賜之曰鸞鳳冲霄必假羽翼股肱之寄要在忠力

馬懷素

丹徒人舉進士累官左臺監察御史武后詔命按問魏元忠崔貞慎反狀使者促迫懷素

執不從元忠等獲免開元初進昭文館學士與褚無量分日侍讀玄宗自迎以師臣之禮懷素

篤學謙慎時人推

為長者卒諡曰文

馬彝

扶風人為曹王臯幕府時未有知名臯識之卒以正直見稱張柬之有園圃在襄陽臯嘗宴集

將士取之彝曰漢陽有中興功今遺業當百世共保奈何使子孫驚乎臯謝曰主吏失詞以為

君羞微君安

得聞此言

馬炫

字弱翁邠城人以儒學聞隱蘇門山下不應辟命至德中李光弼鎮太原始署掌書記嘗參軍

謀光弼器焉後歷連潤二州刺史

馬燧

字洵美汝州邠城人初田悅新有魏博燧書言悅必反既而悅果圍邢州詔燧以步騎二萬與

昭義李抱真神策兵馬使李晟合軍救之燧出嶮口未過險移書抵悅示之悅以燧長已大喜

既次邯鄲悅使至燧皆斬之悅聞使大將楊朝光以兵萬人據雙岡築東西二柵以禦燧燧乃

推火車焚朝光柵斬之擒其將盧子昌居五日進軍臨洺悅悉軍戰燧大敗之斬首萬級邢圍

亦解以功遷尚書右僕射兼魏博招討使悅告窮于朱滔王武俊會二人者怨望乃連和悅恃

燕趙方至即出兵背城燧復與諸軍破之進同中書門下平章事北平郡王魏大都督長史



馬載

周之子咸亨中為司列少常伯後為吏部選部與裴行儉分掌選事時人稱載有知人鑑歷官

雍州刺史

馬植

自南安都護徙黔州觀察使入州時舟泊峽中夜見白衣隄上吟曰截竹為筒作笛吹鳳皇池上鳳皇飛勞君更向黔南去即是鈞陶萬彙時不久拜相

馬璘

扶風人武幹絕倫善以少擊衆至德初從李光弼東討有功永泰初為四鎮行營節度使後土蕃內寇渾城戰不利璘合擊破之進右僕射扶風郡王

馬綽

餘杭人嘗從董昌于越州及昌潛叛棄家奔錢鏐累官兩浙行軍司馬後表授雄武軍節度使

同平

章事

五代馬全節

元城人趙在禮反鄴都以全節為馬步指揮使歷金州防禦使蜀人攻金州州兵纔數百

全節散家財與士卒死守蜀人去廢帝召全節以為滄州留後晉高祖時拜全節橫海軍節度使李金全叛附于李昇全節討之金全南奔敗其將承裕斬首三千級承裕走副將審暉追斬之而獻俘于京師以功徙鎮義武自契丹與晉大軍相距澶魏之間全節別攻白團城破之虜七百人克秦州虜二千人降其守將晉廷謙四月契丹敗于戚城引兵分道而北全節敗之于定豐執其將安暉尋徙廣晉尹留守鄴都

馬希範

字寶規右扶風人襄州安從進安州李金全叛晉高祖召希範出兵希範遣張少敵以舟

兵趨漢陽漕米五萬斛以饋軍金全等敗少敵乃旋溪州刺史彭士然率錦獎諸蠻攻澧州希

馬總

字會元和中遷南安都護建二銅柱于漢故處詔著唐德以表伏波之裔韓愈詩云紅旗照

海壓南荒徵入

中臺作侍郎

馬自然

有異行飲酒至一石不醉人有疾以雜草木揉與之食無不瘥者自吟云昔日曾隨漢伯

陽經時醉卧紫金牀東君道我多情懶罰向人間作酒狂何用燒丹學駐顏開非城市靜非山

時人若覓長生藥對景無心是

大還唐廣明中于梓州上昇

馬異

詩人詩體與盧仝俱尚險怪盧仝與馬異結交詩有云仝不全異不異是謂大仝而小異

馬岌

宋穢有遠操不與世交岌高尚之士具威儀造馬穢拒而不見岌歎曰名可聞而身不可見德

可仰而形不可覩吾今而後知先生矣

位出刺懷州陞團練使  
累功遷昭義兵馬幹轄

馬韶

字趙之平棘人習天文開寶中太宗以晉王尹  
京申嚴私習天文之禁韶素與太宗親吏程德

玄善德玄每戒韶不令及門九年冬十月十九  
日既夕韶忽造德玄德玄恐甚詰其所以來韶

曰明日乃晉王利見之辰韶故以相告德玄惶  
駭止韶一室遽入白太宗命德玄以人防守之

將聞于太祖及詰旦太宗入謁果受遺踐祚韶  
以赦獲免踰月起家為司天監主簿太平興國  
二年擢太僕寺丞改秘書省著作佐郎歷太子  
中允秘書丞出為平恩令歸朝復守舊任與楚

芝蘭同判司天監  
事就遷太常博士

馬元方

郵城人父應圖知頓丘以部芻糧沒敵中元  
方去髮為浮屠求父尸不得太宗哀之為官

範遣劉勅劉全明等以步卒五千擊之士然大  
敗勅等攻溪州士然走樊州遣其子師騫率諸  
蠻酋降于勅溪州西接牂牁羽林南通桂林象  
郡希範乃立銅柱為表命學士李臯銘之于是  
南寧州酋長莫彥殊率其本部十八州都雲酋  
長尹懷昌率其昆明等十二部牂牁張萬濟率  
其夷播等  
七州皆附

### 馬重績

字洞微少學數術明太乙五  
紀八象三統大厯居于太原

### 宋馬全義

幽州薊人十餘歲學擊劍善射騎初事周以  
功累遷殿前指揮使後太祖討李筠飛矢貫

臂全義拔鐵臨敵士氣益奮遂克澤州  
累官至江州防禦使卒贈檢校太保

### 馬令琮

大名人少善騎射嘗從其父全節屢戰有功  
由是知名周世宗時為虎捷指揮使太祖即

其兄元吉元方以進士累遷戶部判官上言方  
春民貧請預貸庫錢至夏秋令以絹輸官行之  
公私果便因下其法  
諸路官至兵部侍郎

馬適

字志達湖口人祖良俊卒葬于幞頭山時識曰  
沙州圓出狀元適生自幼聰敏勤苦嗜學奉母

篤孝建隆三年沙州始圓果登  
狀元第以母故守制終于家

馬知節

字子元全義子以蔭補官真宗時為樞密副  
使遇事敢言時王欽若為使知節薄其為人

每廷議得其不直輒面詆之  
聞其風者皆知為正直云

馬懷德

祥符人補三班奏事積官至靖難節度觀察  
留後累立戰功斬獲動以萬數為范仲淹韓

琦所知薦嘗為流矢中其額入  
于骨以弓絃繫鏃發機而出之

馬亮

字叔明合肥人登進士累官至西川都轉運使時王均反初平之主將肆意誅戮亮救免者千數及械送註誤者九十人至京師亮請于朝悉宥免之亮嘗兩典鄉郡人以為榮官終太子少

保卒諡

忠肅

馬尋

須城人舉毛詩舉學究累判大理寺以明習法律稱歷廣東淮南兩浙轉運使歷知湖汝襄鄧滑等州襄州飢人或羣入富家掠困粟獄吏鞠為強盜尋曰此脫死耳情與強盜異奏得減死

論著為例  
終司農卿

馬仲甫

亮子舉進士歷知登豐縣拜天章閣待制知瀛秦毫許揚五州所至興利除害時稱能吏

云

馬默

字處厚武城人從學石介登進士調臨濮尉以張方平薦為監察御史裏行遇事輒言無顧方

平間遣所親謂曰言太直得無累舉者乎默謝曰不敢為身謀所以報也嘗除知登州奏請更定配沙門島法後為河北都轉運使紹聖初坐附司馬光落職致仕卒紹興中贈太保

馬遂

開封人仕為北京指使聞王則叛詣留守賈昌朝請擊賊昌朝使持榜招降見則諭以禍福不

答遂扼其喉歐之流血賊攢刃聚謀遂被縛而支解之贈宮苑使

馬遵

字仲連樂平人景祐中進士擢江淮發運判官盡心漕事入為御史論罷宰相梁適出知宣州

後為吏部員外郎直龍圖閣卒遵立朝侃侃遇事規切

馬公亮

少時夜閱書忽有大手如扇自牕入亮以雄黃水大書草字牕外大呼曰速與我滌去不



然禍及汝亮不聽而卧將曉哀告手不能縮且曰公將大貴我戲犯公何忍致極地公獨不見然犀之事乎亮悟以水滌避謝而去

馬從先

字子野祥符人少盡力于學性整嚴雖盛夏不袒跣父當任子推與其弟由進士累官太

常少卿知宿州代還知壽州以老辭英宗曰聞卿治行籍甚壽尤重于宿姑為朕往後以工部

侍郎

致仕

馬天驥

字德夫衢州人紹定二年進士歷官秘書省假司馬光五規之名條上時弊詞旨切直仕

至端明殿學士同簽書樞密院事封信安郡侯

馬涓

南部人其父從政初未有子買一妾詢知其父母死不克葬故自鬻遂歸妾不責所負後夢一

馬晞驥

持國之子淳熙進士判肇慶府有潯以奇硯獻者晞驥謝之曰吾職佐郡嘗飲水自甘何

敢以長物汚吾家聲其人慚而退歷知雷州

馬大同

字會叔建德人舉進士自為小官即以剛介聞上與辨論甚喜之孝宗即位有大用意仕

至戶部侍郎學者稱為鶴山先生

馬之純

字師文東陽人隆興進士潛心經籍學者多從之所著有尚書中庸論語說周禮隨釋左

傳類編紀事編年及詩文若干卷人稱為茂陵先生

馬壬仲

建陽人從朱文公游紹興間中進士乙科寓居東陽歷官州縣以廉能見稱所著有奏議

雜著得齋集

翁謝曰我妻父也聞之上蒼矣願君家富貴涓涓不絕及生涓因以夢中語為名元祐中登進

士第

馬熙載

西安人元符初進士累官中書侍郎與時相齟不協罷知亳州

馬持國

字鯁臣新會人紹興間張浚胡銓皆嘗辟為屬官持國嘗著中興自治萬全策畧愚忠錄獻于孝宗周必大楊萬里稱其文深宏偉傑切中時病終容州守子晞驥仕終雷州守孫宜祖

終英

德守

馬光

與張仲讓等號為六儒

馬存

字子才善屬文有豪氣觀浩齋歌等作可見

馬光祖

字華父金華人寶慶二年進士理宗時知臨安府歲飢榮王府積粟不發廩光祖謁王屢

次王不得已而見馬乃厲聲曰天下孰不知大王子為儲君大王不以此時收人心乎王以無粟辭光祖探懷中文書曰某莊某倉若干王無以辭得粟活民甚多

馬南寶

沙浦人家饒于財而能讀書好義尤工作詩景炎二年十月端宗自潮州之淺灣航海避

敵過邑境南寶獻粟千石以餉軍端宗降救獎之召拜權工部侍郎

馬廷鸞

字翔仲樂平人淳祐間進士累官翰林權直中書舍人兩制皆出其手度宗立拜右丞相

兼樞密使與賈似道不合除觀文殿大學士提舉洞霄宮所著有六經集傳等書力辭相位曰天下安危人主不知國家利害羣臣不知軍前勝負列闔不知陛下與元老大臣惟懷永圖臣

馬洵

淳熙中知高州李接將寇郡境洵乃整軍陣備戰器嚴約束賊聞風不敢進一郡獲安

馬遠

其先河中人後居錢塘工山水人物花鳥種種臻妙獨步畫院光寧兩朝授待詔子麟能世家學然不達父遠愛其子多于己畫上題作麟畫蓋欲麟得譽故也為畫院祇候

馬和之

錢塘人紹興中登第官至工部侍郎善人物山水筆法飄逸纖悉粉藻自成一家高孝兩朝最重其畫嘗書毛詩三百篇命和之篇畫一圖會成巨帙至今杭人嘗有存其散逸者

馬伸

字時中登進士不樂馳騫每調官未嘗擇便利為成都郫縣丞守委受成都租前受輸者率以食色玩好盡誅而敗伸請絕宿弊民爭先輸至沿途假寐以達旦常平使者孫侯蚤行怪問之皆應曰今年馬將承受納不病我也俟薦于朝

死且  
瞑目

馬仁瑀

為瀛州防禦使。兄子嘗醉殺平民，繫獄當死。民家自言過誤，殺傷論仁瑀曰：「吾豈敢以私

親而亂國法哉？」遂論如律，給民家布帛為棺斂具。

馬堃

巖昌人。一家父叔兄弟皆以忠勇為名將。堃以六郡鎮撫使守咸淳府。元將楊文安與堃同里。諭使降元，堃不從。文安乃列柵攻城，潛遣勇士躡雲梯宵登，斬關納外兵。堃悉力巷戰，兵敗力

屈而  
死

馬瑩

瑩弟咸淳中知欽州。徙邕州，撫諸蠻及治關隘。皆有條理。邊陲晏然。宋亡，瑩因留靜江。總屯戍諸軍守城。元將阿爾哈雅以兵夾攻，因瑩兵敗，使人招降。瑩發弩射之，攻三月前後百餘戰，訖

無降意城破墜率死士巷戰被執殺之斷其首猶握拳奮起立踰時始仆

馬端臨

廷鸞子年十九潛心學問博極羣書以廩補承事郎宋亡隱居教授鄉里遠近師之與人

言論壘壘不倦所著有大學集傳多識錄文獻通考等書行世

馬發

海陽人德祐中為摧鋒寨將署州事州人稱為安撫使元兵逼城守令懼走發獨慰勞士卒

堅守不屈戰敗服鳩死後人哀其忠節立祠祀之

金馬慶祥

本名實喇濟蘇先世自西域入居狄道以馬為氏太安初以尚書省譯史使元慶祥智辨

通六國語還稱旨授開封判官後移鳳翔元兵來攻慶祥率兵殊死戰矢盡被執竟不屈而死

贈恒州刺史

史證忠愍

馬定國

社平人自少志趣不羣累官至翰林學士嘗著石鼓辨萬餘言大要以字畫考之是字文

周時所作出入傳記引據甚明有文集傳世

馬肩龍

宛平人有能賦聲初在大學嘗辨名將從坦殺人之寃時論義之後德順受圍州將假肩

龍鳳翔判官守禦一委任之受攻百口食盡乃陷遂遇害詔配食褒忠廟

馬正卿

慶祥子好學負氣由斷事官累遷至禮部尚書卒贈梁郡侯諡忠懿曾孫祖常博學能文

章

馬得臣

析津人博古能文尤長于詩累官翰林學士承旨時聖宗擊鞠無度得臣乃疏唐貞觀開

元間事可法者數條以諫聖宗嘉納之卒贈太子太保



元馬紹

金鄉人從上黨張播學嘗知單州民刻石頌德累官中書右丞有言事者平章事欲罪之紹曰

國家導人使言今重罪之豈不與詔書戾乎乃止執政數年時稱其賢仕終河南行省右丞有

詩文數

百篇

馬亨

字大用邢州南和人世業農以賢雄鄉里亨少孤事母孝金委習為吏太宗始建十路徵收課

稅河北西路使王晉辟為掾以材幹稱後晉薦

于中書邪律楚材授轉運司知事尋陞經歷擢

運司副使及劉秉忠薦于世祖召見潛却甚奇

之既而籍諸路戶口以亨副達春蒙克撫諭西

京等五路俾民弗擾既還圖山川形勢以獻餘

使者多以賄賂惟亨等各賜衣九襲歷官至戶

部尚

書

馬京

武功人洪武中任翰林編修永樂中累官北京刑部右侍郎卒洪熙初贈少傅諡文簡遣官諭

祭有淳質有文端厚而正靖恭不渝夷險一節之褒

馬榮

徐州人少習武事有膽畧洪武末從內難永樂初從征北漠累功至右都督追封景城伯諡壯武

馬治

字孝常宜興人自幼好學為詩文典雅冲澹善真行書元末與周砥避亂隱居西澗以詩唱和

成荆南唱和集洪武初由茂才舉授內丘知縣遷建昌府同知卒無子有海漁集六卷行世

馬文壁

洪武中知撫州府學博才敏為政知大體辦決無滯豈弟慈祥民深德之尤博學長于詩

文時稱曰文章太守

馬英

河內人性孝友父喪哀毀二兄繼歿獨事母併奉二寡嫂與居比母喪卜地葬諸喪親負土為

四墳手植松栢廬墓側終其身

馬祖常

西域人父潤同知漳州路家于光州祖常七歲知學延祐初廷試第二授應奉翰林文字

累官御史大夫

明馬公

失其名宿之閔子鄉人公少時膂力過人沉毅寡言笑重然諾而性剛強見有為不義者視之

若仇然鄉人莫敢犯即孝慈皇后父也洪武初追封為徐王

馬雲

洪武初為遼東都指揮使時遼東反納哈統兵出金州雲與葉旺合謀既定設奇出伏追擊三

百餘里殲其衆殆盡上嘉其忠義遣使勞之俱陞都督僉事兼總制遼東軍馬

馬貫

單縣人以才學超卓舉任監察御史有直聲官至江西布政司叅政

馬巨江

蒲城人學問老成志尚閒逸永樂初召至京師將用之以老固辭遂授翰林五經博士令

致仕

馬麟

永樂初山東右布政使惠澤及人持法不撓司屬敬畏黎庶獲安

馬昂

字伯顯滄州人永樂舉人累官右都御史景泰四年總督兩廣軍務攘懷夷寇安撫軍民人甚

便之歷左都御史

兵部尚書諡恭襄

馬負圖

臨汾人洪武末鄉貢永樂中為永平知府在任孜孜愛民民多有善政尋以績最陞陝西

左布政使

馬溥

壽州人父鑑開國有功官至都督僉事溥襲武德衛指揮僉事建文君初陞都督四年夏與徐

真並克叅將遇靖難兵戰敗靈璧皆被執溥子春為周府儀賓燕王後宥溥令改建周府

馬宣

北平都指揮使燕王兵起殺張昺謝貴宣巷戰不勝東走薊州起兵西逆戰遇燕王兵戰不利退守薊州出城再戰又敗被執罵不絕口死之建文君褒恤宣家

馬鐸

字彥聲長樂人永樂壬辰進士第一授翰林院脩撰車駕兩幸北京皆留侍監國仁宗皇帝屢顧侍臣楊士奇曰馬鐸可謂質實無偽者矣自是翰林學士國子祭酒有公務出皆命攝其事嘗建言國子監分獻宜用翰林院官從之鐸為人性直無崖岸旁通經史百家為文援事輒就

卒于  
官

馬愉

字惟和臨朐人宣德丁未進士第一授翰林院脩撰累遷侍讀學士預聞機務侍經筵性資淳

篤論事務存寬厚嘗奏獻疑獄經年不決者遷禮部右侍郎兼侍講學士卒贈翰林院學士禮

部尚書  
諡恭襄

馬豫

字彥安臨清人宣德癸丑進士授大理寺評事尋遷寺副性剛直不阿獻獄詳明正統己巳從

上北征土木失利豫語其僕曰我奉駕而來失駕而返何顏而見百官哉汝急歸告汝母攜家

還臨清我有死而已遂追駕大叫曰陛下陛下奮不顧身厲聲叱敵為敵所獲遂遇害英宗即

位特憫其忠義詔贈寺正錄其子懋入太學

馬仲良

三原人為仁厚愛人不言人過耕常讓畔居常讓席不識爭訟里人貧而無田割田與

耕有車一乘與友共之世稱長者子貴字尚賓  
幼聰敏以草莖畫地學書博通經史遂于周易  
及堯夫理數小戴中庸永樂中有司以  
賢良薦不就隱居教授遠近多從之遊

馬顯

廣平人登正統壬戌進士授戶科給事中己巳  
之變顯扈駕北征幾没于陣景泰初進都給事

中適權奸用事顯指陳得失多所裨益尋忌者  
出為河東都轉鹽運使鹽法流通國計用裕天  
順戊寅擢四川左布政使時蠻寇猖獗境內繹  
騷顯贊畫戎務調度軍餉蜀人賴以帖然秩滿  
復留三年成化庚寅擢南京兵部右侍郎值歲  
大侵奉詔巡視鳳陽等郡卹民瘼撫窮獨擊奸  
慝民賴安堵轉左侍郎告老卒顯居家孝  
友忠厚稱鄉邦出處大致不愧于古人

馬軾

字敬瞻正統間由天文生官漏刻博士軾讀書  
負氣節尤工詩畫與修撰岳正友善天順初正

為曹石所中左遷欽州同知親友無敢餞別者  
軾獨為詩送之其畫宗郭熙高古有致子愈字  
抑之由進士官至南京刑部  
主事有難蜀文為人所傳誦

馬馴

字德貞長汀人正統  
乙丑進士歷都御史

馬諒

字子諒和州人正統間山東布政使左叅議始  
至巡行郡邑訪庶政得失察百司賢否時降人

安置山東者欲乘機為亂諒集眾諭之眾咸帖  
服民有惑于後妻欲真子于法諒諭父母曰爾  
子凶德乃吾屬教令之失非由爾之罪父母感  
悟請釋還為孝子疑獄久不決者一訊即伏于  
負寃者尤為辯  
雪終戶部侍郎

馬謹

新樂人進士授監察御史嚴毅方正得憲體陞  
驗封司郎中遷湖廣右布政時廣西苗賊出沒



奉敕督率官軍追勦直抵銅鼓五開賊遂遠遁  
景泰中陞左副都御史巡撫河南天順初致仕  
于家謹為人有執守在驗封吏役補撥  
杜絕請托一以公道處之士論稱焉

馬文升

字負圖河南鈞州人景泰辛未進士授御史  
仕至太子大傅吏部尚書致仕忤瑾削籍尋

復職卒年八十五贈太傅諡端肅文升性介特  
寡言笑不尚華侈舉止嚴重修髯偉貌望之知  
為異人居官重名節厲廉隅雖位極人臣名聞  
四夷退然不敢自居至于值事變臨利害屹然  
如山不可搖奪可謂社稷臣矣議者謂公忠鯁  
如沒長孺勲名如郭汾陽相業則比韓穉圭范  
希文殆非  
過論也

馬子聰

字舜達廣平人登成化丁未進士第初授南  
京禮科給事中時都御史錢鉞守備太監蔣

馬銓

字秉衡南和人生有異質博學強記登成化乙未進士授戶科給事中識達大體多所建白陞

湖廣右叅議裏人有訐奏親藩者撫按委勘之銓但治撥置者事上竟得白

馬祥

字文瑞同州人博學能文士林稱為關西夫子成化辛丑進士歷山東都運使確清有體民有

清清鹽海清

見底之謠

馬中錫

字添祿故城人成化乙未進士歷都御史劉六之變中錫統軍征勦下令招撫賊過故城

獨不入中錫家遂被逮  
瘐死獄中人甚寃之

馬懋

字昭德館陶人成化戊戌進士歷布政

馬廷用

字良佐西克人成化戊戌進士歷侍郎

琮凶悖貪縱無所紀極子聰首劾錢鉞之倖進  
繼陳蔣琮之奸惡朝廷嘉其言罷錢鉞繫蔣悛  
於錦衣獄丁衆服闋復除禮科再轉戶科朝廷  
勅於萬歲山建毓秀亭費用不貲中外洵洵子  
聰具疏以陳上命輒毀之前後數十疏大畧排  
斥奸貪皆衆人不敢言者終以此忤巨璫欲中  
傷之因母老給假省親  
卒于家為衆所惜云

馬炳然

字思進成都內江人成化辛丑進士知嘉魚  
縣夏秋湖旱飢炳然伸賑貸未報輒開倉救

之明年又飢朝廷出內帑錢以賑民府守意令  
具文放散而實欲轉輸府庫也炳然曰天降凶  
荒為政者之罪也即放散之守怒炳然不懼後  
擢副都御史督南京儲至武昌青山江中遇賊  
劉六為所挾令作書退軍不從遇害  
妻女俱溺死贈右都御史諡毅愍

卿出守久之果傳旨以僉都御史巡撫真定果至頗侵之欲中以危法令供軍需二千卿曰必得印信文移迺可卒如請竟不得間已而果敗卿聲名益彰累官漕運都御史

馬理

字伯循陝西三原人正德甲戌進士仕至光祿寺卿

馬汝驥

字仲房陝西綏德人正德丁丑進士改庶吉士授編修上言廷權謫澤州知州尋復編脩任至禮部侍郎贈禮部尚書諡文簡汝驥洽覽羣集習識古今遇可言則問答如流平居視之

則恂恂若不能者至于諫南巡禁藩府沉毅有大節惜以病卒不及竟施

馬思聰

莆田人正德進士官至戶部主事奉命督糧江西宸濠之變繫于獄思聰三日不食死事

聞贈光祿少卿

馬自然

字思勉內江人成化丙戌進士歷叅政

馬昊

字宗大寧夏人弘治乙未進士歷侍郎

馬卿

字敬臣林慮人弘治乙丑進士歷戶科給事中嘗劾內官逆瑾不法出守大名適薊盜猖獗大

名者盜數出沒之境卿始抵郡首檄諸州縣繕城濬隍收官莊寺銅佛像鑄為戎器募膂力者

別為隊伍擇縣令陳智教諭陳恂為長總領團練之法稍定賞格以訓勵之人人無不効死是

時聲震河朔間盜出東境不敢犯逆瑾嘗加賦大名已輸入官卿請籍為下年正額之數詔許

之卿先為給事時遼東甯杲自御史傳陞僉都御史已除籍時薊盜起復賂閹宦求復官擊盜

諷諫官疏名入薦卿聞奮袂言曰世界無人寧用駕如卿者可也可復令渠壞朝廷事邪既而

馬性魯

字進之溧陽人正德辛未進士歷知府

馬坤

字順卿通州人嘉靖癸未進士歷戶部尚書

馬從謙

字益之溧陽人嘉靖乙未進士歷光祿寺卿

馬九德

字子懋德州人嘉靖乙未進士歷都御史

馬永

字天錫直隸遷安人世襲金吾左衛指揮使累官左都督鎮遼東卒于軍善養士同甘苦又善

知人獎拔蕭往劉淵祝  
雄皆起列校為方鎮

馬汝松

字節甫東光人嘉靖甲辰進士任給事中

馬佩

字服玉德州人嘉靖辛丑進士歷都御史

馬森

字孔養懷安人嘉靖乙未進士歷戶部尚書

馬一龍

字應器溧陽人嘉靖丁未進士歷國子司業

馬自強

字體乾同州人嘉靖癸丑進士改吉士太子太保禮部尚書武英殿大學士諡文端

夏

會稽羽音夏后氏之裔陳宣公子孫夏徵舒之後

上古

夏育

古勇力人能生拔牛尾

周夏黃公

鄞人避秦匿商山中蓋四皓之一也

夏無且

侍醫秦皇當其環柱避荆軻之時無且以所奉藥囊提之論功賜黃金百鎰

漢夏恭

梁國蒙人以易學教授生徒至千餘人光武召拜郎中遷泰山都尉和輯百姓得其懽心所著

賦頌詩贊誄凡四十篇舉孝廉早卒鄉人號文德先生

夏馥

字子治陳留圉人少為書生言行質直同縣高氏蔡氏竝皆富植郡人畏而事之唯馥比門不

與交通後與范滂張儉俱為黨魁

夏寬

受詩于申公漢武時為淮陽內史以廉節稱

三夏方

永興人家遭癘疫者十三人方年十四躬自負土十有七載葬送得畢因廬于墓吳時拜仁義都尉累遷五官中郎將

晉夏統

字仲御永興人引身不仕母病篤詣洛市藥與賈充語其應如響因問會稽風俗統曰其人循循猶有大禹之遺風泰伯之義讓嚴遵之抗志黃公之高節勸之仕俛而不答



夏孝先

桐廬人父亡負土成墳廬其側時有野火燎山將近瑩域孝先繞墓號慟鳥獸羣集以毛

羽濡水灑  
俄頃撲滅

五代夏魯奇

字邦傑青州人初事梁為宣武軍校後奔于晉為衛護指揮使從征劉守光莊宗被伏兵

圍之魯奇力戰手殺數百人身被二十餘創與莊宗決圍而出益奇之董璋反奇閉城拒之旬月救兵不至城中食盡自刎而死

宋夏希道

慶厯間知繁昌縣初縣甚陋而民貧自希道至有善政戶口臻田利之八倍他壤昔之疵

者日以減出而索  
寡者日以富繁

夏竦

字子喬德安人仁宗朝舉制科有老宦者曰賢良他日必大用以吳綾手巾乞詩竦題曰殿上

詔俊就  
知泗州

夏承

字元茂，鄞人。登進士第，任開封少尹。靖康間，金騎入寇，京師尹徐秉哲散文榜，根括皇族，冀幸

其全承毅，然折以大義，密令諸廂毀棄其文榜，盡散拘繫之人。紹興初，職文墨者疏列其事。時國事方殷，褒異未遑。逮隆興初，詔以承為忠義之士，命送史館編錄，姓名特贈左朝議大夫。

夏執中

字子權，宜興人。父協，生女有異光，穿室及長，為孝宗后。后始貴，協已亡，訪得執中，補官累

遷奉國軍節度，加至少保。卒，執中工大字，善騎射。高宗行慶壽禮，近戚爭獻珍玩，執中獨大書一人有慶萬壽無疆，以獻。孝宗將召用之，謝曰：「他日無累陛下保全足矣。」人以此益賢之。

夏鴻

池州人。嘗與弟鵬撰十三代史畧，後以辟為團練推官。鵬隱居布衣，疏食，鄉人罕見其面。有造

衮衣明日月硯中旗影動龍蛇縱橫禮樂三千  
字獨對丹墀日未斜楊徽之見而歎曰真宰相

器也皇祐中拜樞密使叅知政事封鄭  
國公諡文正世謂竦奸邪宜改為文莊

夏隨

字君正好儒術以父蔭為茶酒班殿侍仁宗即位累官副都總管後士彬與金約同叛諸將皆疑獨隨曰此行間爾彬與羌世仇故有此約豈使衆知邪乃召彬與飲厚撫之彬感泣後數日

果擊賊斬  
首自効

夏守贇

榆次人父遇為武騎軍校與契丹戰死兄守恩累官定州路都總管守贇在真宗時知樞

密院事後為高陽關都總管判瀛州  
卒謚忠僖子隨累官陝西副都總管

夏俊

紹興中盱眙縣尉金人入寇俊與士人胡昉部  
八十四人夜攻泗州金守棄城遁俊入城撫勞

為一以上岐而為二又生芍藥竝蒂者二鄉人號其堂曰雙應凌侍制唐佐為記其事

夏尚忠

字信卿休寧人唐歙州刺史元康裔幼穎悟端慤書過目不再讀乾道初對策廷中極論

忠孝之義賜進士第任將作監簿遷大理丞知泰州海賊時發民罹其害尚忠率兵除之海道肅清復知處州引年納祿不允轉召至除國子博士徙著作佐郎越明年稱疾致仕卒

夏珪

字禹玉錢塘人寧宗朝待詔賜金帶善畫人物醞釀墨色如傅粉之色筆法蒼老墨汁淋漓雪景學范寬院人中畫山水自李唐以下無出其右者子森亦工山水

夏廷煜

字文炳休寧人幼孝謹有器識讀書日記千言為文敏而有思趨向高遠平居崇德義厲廉節兩舉試禮部不第會稽何肖知其賢相與論薦又不得召慶元初詔舉遺逸賜進士出身

門問學者為之講解不  
倦江南士多宗師之

夏乾錫

鵬之子樊知古嘗師事之及守池薦于朝為  
製冠裳乾錫不得已拜命然竟不出自稱清

溪布  
衣

夏中正

池陽人歷官所著有能聲嘗知貴池縣以鄉  
黨非威刑所宜施每面訓之人皆悅服轉職

方員外郎告歸孫垂中才識兼茂科知  
長洲縣以直坐廢文彥博奏復其官

夏安期

知延州時州東北阻山無城夏人嘗乘之安  
期至即令築城方盛暑躬自督役不踰月而

死

夏俅

字載道休寧人夙有至性早孤奉母曹氏孝養  
備至既卒廬墓墓生瑞竹其節自十以下駢而

授朝議郎守太學正作文造士極有方法經義  
講明深得聖賢旨趣趙汝愚稱之曰為官若此  
士風豈不振哉官  
至朝議大夫卒

夏達才

字行可休寧人幼聰敏嗜學師鄉先生宋士  
嘉曹提幹每夜讀書殘燈達曙隣父老嗟異

曰是兒苦學如此丙午中浙省第一明年上春  
官不利而歸自是無意進取授徒于家以聖賢  
之學為本四方從學者眾所著有圖南  
課蘭畹斐作子弘毅亦能文有放翁集

夏祐

永嘉人嘉定乙亥進士尉上高以廉介自持州  
縣有委一斷以公未嘗通當路書嘗謂人曰仕

途奔競相帥成風吾竊恥之  
窮達有命豈可枉道求伸邪

夏椅

通判安慶府元兵至安慶知府  
范文虎降椅義不屈仰藥而死

元夏椿

華亭人大德間大飢死者相路藉貧者皆攜老幼歸之椿闢廬舍具禮粥以食之去則贖之病

者藥之死者葬之有司上其事表其門官其子

夏若永

闕人授温州路闕民賴以濟雪冤減創永闕

征

瓜哇船若永慮吏胥病民令民備材躬董其役民咸德之

明夏迪

吉安人當前元寇作以萬夫長守崑山國家既定天下託以隱焉結屋海濱時咏詩自適默有

所寄

夏則中

武昌人洪武中知興寧縣值寇亂民逃亡殆盡則中相集流亡各安生業官田稅重莫肯

承籍則中請以官田減潤民產定賦從之遂以安業

夏祥鳳

洪武末知邵武縣嘗曰廉為士之大節居官者不能守廉大節虧矣雖有政事何足尚哉

及代去囊橐蕭

然能踐其言

夏毅

字仲毅明初隨征江南以戰勲著歲戍冬從太祖伐婺州取之上駐蹕是州以其地為浙東

要郡擇有文武才者鎮之以是以毅為金華衛指揮領兵戍馬壬寅春金華括蒼苗兵反毅守將胡大海取再成等衢州或謀翻城應之毅設方畧討賊會謀于太史劉基遂定其亂毅靜中而寬外脩武備慎賞罰興學勸士政令一新在鎮數十年訓練撫綏恩威兼濟兵民咸賴之

夏原吉

字惟喆湖廣湘陰人洪武二十三年鄉貢士歷官戶部尚書永樂初浙西大水奉命往治

發民兵數萬疏決壅滯水患乃息又撫綏飢民奏發廩三十餘萬石賑之時有奏以水退淤肥



宜召民佃耕以益國用者原吉歎曰民疲極矣  
救死不暇可重役乎即馳奏寢少師姚廣孝還  
自浙上首詢原吉之政廣孝對曰原吉溫  
而不弛威而不猛古之良吏也卒諡忠靖

夏恕

洛陽人謙和有智畧居鄉閭以德行  
稱洪武間由賢良舉累官刑部尚書

夏止善

字復初餘杭人性恬靜不尚華侈闕  
歲授春秋洪武十七年進士試政署監察御史遷

湖廣松滋縣丞以公正廉能  
薦陞禮部郎中奉使交趾卒

夏景

字仲昭崑山人洪武進士改庶吉士文廟嘗試  
其書為第一特命書諸宮殿榜遂賜第宅初景

字作昶上曰日豈可從傍宜加永上遂為更定  
歷太常少卿居家孝友而風流文雅有高人之  
致詩詞清麗尤工畫竹擅名天下  
兄暉字孟暘亦善書授中書舍人

投劾不授官職皆大節在歷官至太僕少卿所著有中庸說語錄文集若干卷

夏尚

字時正以字行更字季爵本慈谿人補仁和弟子員宣德間嘉善新置學掣時正補之舉進士仕至南京大理寺卿居官有譽望博學強記詩文書法皆名于時所著有瀛嶼稿家

夏寅

字正夫直隸華亭人正統十三年進士歷南京吏部主事郎中陞江西按察副使提督學正每試諸生日暮納卷畢則閱卷亦畢當晚衙入揖即一一別言之次早吏胥抄案出矣藻鑑人才多在驪黃牝牡之外陞浙江參政處州民有苦虐政走聚山谷者招之不聽曰須夏參政來乃可公檄至即散還其家寅平生直道無黨援自筮仕郎署三十年為副使十六年未嘗以淹屈降志嘗曰君子有三惜此生不學一可惜也此日閒過二可惜也此身一敗三可惜也君子以

夏宗文

華亭人善隸真草書名重于時以才學起至京師纂修永樂大典及勸善書授廣平縣主

簿有惠及民没于官以子

貴贈中大夫太僕寺卿

夏昇

字景高鹽城人永樂初知開化縣有政績陞衢州知府盡去宿弊籍丁糧之數定為等則賦役

均平民

咸戴之

夏忠

字思誠雒州人宣德初累知大名府忠厚廉平修學勵俗吏士承之不感而化焉宣德五年抗

疏歸

夏尚朴

字敦夫號東巖天性孝友師事婁一齋以涵養為功時見諸吟咏悠然自得嘗柄文山東

道範偉然士風振舉歸家教訓士賴陶鎔郡邑皆知向學焉若其不應進士第與夫辭榮養親

屹不為動權貴人凜然畏之戰其下使母犯不  
踰宿解纜而去甫踰年以內艱去民至今思之

夏誠

字克誠錢塘人以鄉貢授文學官權  
監察御史有文章名從征土木沒

夏崇文

字廷章原吉之孫舉成化戊戌進士授南京  
吏部主事時進士李文祥忤勢權被謫崇文

疏救之又條上時務五事北敵犯邊復上十事  
改太僕丞屬星變上言畏天命恤民隱賞罰用  
舍務守祖宗成法會詔陳利病又疏陳五事時  
論皆韙之復改南京吏部主事官至太僕少卿  
夏祚 字天錫成化進士任兵科都給事中有鯁直風  
歷叅政終福建右布政使有平易之政致仕歸

卒于家

夏景和

字時雍泰州人成化  
丁未進士歷都御史

為名言官至  
山東右布政

夏塤

字宗成天台人剛介廉潔不屈意于人自為御史以至布政兩司推鞠得情所至無冤抑然性

涉高亢多不得盡行  
其志子鏗亦舉進士

夏璣

字德乾吳縣人天順間進士知新淦縣持身清慎平易近民有古良吏風擢監察御史多所建

白以恬  
退終

夏英

字育才江西德化人成化十四年進士歷兵部郎中知延平府英性警敏而行質實遇事明斷

無少凝滯延俗日趨奢靡身躬儉約以導其民至于禮賢下士若不及也在郡有權貴人鎮閩徧索所部財物不如意因肆威虐比至延有所求取于英英歷以郡小民貧為辭辭嚴而義正

夏昂

字景德江寧人成化丁未進士歷布政

夏鏞

字德樹天台人成化丁未進士自釋褐歸即負大志不羣于人授南京大理評事弘治初御史湯鼎劾內閣劉吉下錦衣獄鏞上疏救之疏奏留中遂謝病歸居鄉砥礪名節游咏詩文年八

十三終有

赤城集

夏鼎

貴溪人弘治間知臨清州節縮冗費民籍安裕時中貴有協取民貨者鼎立簿籍時考之患遂寢嘗議革守備都司兵民稱便一時治行以操幹名者鼎為最云卒于官

夏從壽

字如山江陰人弘治癸丑進士歷都御史

夏邦謨

字舜俞四川人正德戊辰進士歷官吏部尚書

夏良勝

字于中江西南城人正德戊辰進士吏部郎中多所建白諫止南巡廷杖歸嘉靖初復職

夏言

字公謹江西人正德丁丑進士歷官少師兵部尚書華蓋殿大學士以誣死西市隆慶初復爵

諡文

愍

夏寵

字時承京山人幼有神解讀書五行俱下多綜貫禮論議方嚴正德間麻城賊攻其家遂昌捍

之力屈呼寵竝逃時寵母聞

賊義之以無賄竟執問

後舉鄉試

夏時

字人正華亭人嘉靖丙辰進士歷給事中屢起屢辭

假

漢假倉

陳留人成帝時習經學由是小夏侯有張鄭秦假李氏之學

冶 公冶長  
之後

周 冶厓 衛人

冶區

魯人魯昭公十三年春叔弓圍費弗克敗焉平  
子怒令見費人執之以為囚俘冶區曰非也若  
見費人寒者衣之飢者食之為之令主而共其  
乏困費來如歸南氏亡矣民將叛之誰與居邑  
若憚以威懼之以怒民疾而叛為之聚也若諸  
侯皆然費人無歸不親南氏將焉入矣平子從  
之費人 叛南氏

捨

明 捨敬

字敬先洪武中  
江陰稅課大使



庫

明 庫繼生

廣西融縣人正統中任上杭縣主簿

把 東樓公  
之後

漢 把康

避董卓亂改為把氏

明

把士聰

溧陽人永樂舉人

把宗

陝西人弘治中以都指揮守備甘肅

瓦

明

廣西土官有瓦氏

明 關和 永寧人永樂二十一年舉人任教諭

雅 見姓

鮭 見姓

打 見姓



萬姓統譜卷八十五

且

宋 且謹脩

元祐中知  
德化縣事

明 且簡

濮州朝城人弘治  
間山西潞州判官

楚

明 楚佑

固安人正統間  
南昌衛千戶

也

明 也伯先

懷寧人洪武初  
歲貢任訓導

關

欽定四庫全書

子部

萬姓統譜卷八十七

詳校官中書<sub>臣</sub>徐志晉

主事<sub>臣</sub>祁韻士覆勘

總校官知縣<sub>臣</sub>楊懋珩

校對官中書<sub>臣</sub>李 棻

謄錄監生<sub>臣</sub>馬紹基

欽定四庫全書

萬姓統譜卷八十六

明 凌迪知 撰

上聲

二十二養

蔣

樂安商音周公第三子伯齡封蔣以國為氏國在汝南期思縣傳言凡蔣邢茅周公之胤是也

漢

蔣滿

宣帝朝為上黨令子萬為北地都尉同詔徵見帝曰父子宜同日剖符即下詔以滿為淮南相

萬為弘

農守

蔣詡

杜陵人嘗于舍前竹下開三徑惟故人求仲羊仲從之游哀帝時為兗州刺史以廉直著名王

莽居攝以病免官  
歸鄉里卧不出戶

### 蔣晉

泉陵人靈帝時舉孝廉拜尚書郎除汝南太守  
遷文州刺史入奏事應對不滯拜尚書在位清

直為羣  
僚所服

### 蔣黥

字秀芳翊四世孫父橫仕為大將軍從光武討  
赤眉有功以司隸羌路諧誅九子皆渡江散處

帝尋悟乃覆羌路之族而錄其後黥居陽羨瀟  
湖東封雲陽亭侯終諫大夫子何前將軍邵陵

侯

### 蔣澄

字少明橫幼子居陽羨瀟湖西函亭封函亭鄉  
侯仕至刺史五子孟東亭侯通陽羨西亭侯休

襲父封丹陽太守餘無聞唐秘監齊光又撰碑  
畧曰澄懷忠國之志立全家之道雖滅迹江湖

器非百里之才後為尚書郎亮駐漢中琬統留  
府事嘗足食以給軍中亮每言公琰託志忠雅  
亮卒以琬為尚書令時新喪元帥遠近危悚琬  
舉止如平日由是衆漸服後封安陽亭侯卒諡

恭曰

蔣斌

琬子為綏武將軍漢城護軍弟顯為太子僕  
射有才學會成都破兄弟同時死于亂兵

蔣濟

字子通文帝時出為東中郎將詔曰天下未寧  
須良臣以鎮邊境如其無事乃還鳴玉未為後也

南蔣昇

字鳳起少好文玄象之學周文雅信待之魏  
文帝時出師與實泰戰適西南有黃紫氣抱日

從未至西文謂昇曰此何祥也昇曰西南未地  
今大師既出喜氣下臨必有大慶于是與泰戰

禽之

而克雪

前恥云

蔣子文

漢志為秣陵尉逐盜中山傷額而死嘗自謂骨貴死當為神及吳大帝都建業子文常乘

白馬執白羽扇而出  
遂立廟鍾山封蔣侯

蔣許

蔣朗

俱漢時人  
見姓纂

三蔣欽

壽春人給事吳孫策為右護軍累功遷益寇將軍初欽屯宣城徐盛收欽屯吏表斬之盛常畏

欽害已而欽每稱其善論者美焉

蔣琬

字公琰湘鄉人從昭烈入蜀除廣都長昭烈嘗至廣都怒琬衆事不理諸葛亮曰蔣琬社稷之



蔣子慎

公位極人臣而嗣少弱蔣侯官不達後且興

子慎終建安尉子繒往見智周妻以女生子  
挺歷湖延二州刺史挺生渙洌皆擢進士第

蔣欽緒

親郊祝欽明建言皇后應亞獻詔禮官議衆

欲曲意阿徇欽緒獨陳不可諸  
儒壯其節累官汴魏二州刺史

蔣防

字子微義興人澄之後年十八父誠令作秋河  
賦援筆即成警句云連雲梯以迴立跨星橋而

徑渡于簡遂妻以子李紳即席命賦鞞上鷹詩  
云幾欲高飛天上去誰人為解綠絲條紳識其  
意薦之後歷翰林  
學士中書舍人

蔣將明

義興人父瓌開元中弘文館學士天寶末將  
明辟河中使府安祿山反以計佐其帥全并

蔣少游

樂安博昌人性機巧頗能刻畫有文思北魏高允愛其文薦之補中書博士為太常少卿

孝文時製冠裳營太廟及華林殿詔修舊增新改作金墉門樓皆所措意號為研美雖有文藻

而不得伸其才用識者為之歎慨卒贈龍驤將軍青州刺史諡曰質有文集十卷

蔣恭

義興臨津人元嘉中晉陵蔣崇平為劫見禽云與恭妻弟吳晞張偕行時錄晞張弗獲收恭及

兄協付獄兄弟爭受刑郡上其事于州悉原之後除恭義成令協義昭令

唐

蔣儼

義興人擢明經第為右屯衛兵曹參軍太宗將伐高麗募為使者人皆憚行儼奮曰以天子雄

武威四夷蕞爾小國敢圖王人脫不幸固吾死所遂請行為莫離支所囚以兵脅之不屈高麗

平得歸帝壯其節授朝散大夫高宗朝進蒲州刺史擿伏戢姦號良二千石後封義興縣子

潞等州兩京陷被拘乃佯狂以免號王臣引致幕府歷侍御史擢左司郎中國子司業集賢殿

學士  
子義

蔣沈

欽緒子博學有名以孝廉授洛陽尉與兄演流弟清俱為才吏有名乾元中歷四縣令美政流

行郭子儀軍出其縣敕麾下曰蔣沈賢令毋

撓其清也累遷大理卿持法明審號稱職

蔣鎮

義興人尚書左丞列之子也與兄諫並以文學進天寶末舉賢良累授左拾遺司封負外郎轉

諫議

大夫

蔣清

沈之弟舉明經中第調鞏丞東京留守李愷賢之表為判官安祿山亂愷與清力綿不能守城

城破同死之贈禮部侍郎

謚曰忠錄其孫為伊闕令

蔣渙

義興人挺子與兄冽皆擢進士永泰初渙歷鴻臚卿日本使常遺金帛不納惟取牋一番以貽

其副云父蔣挺卒渙與兄冽廬于墓側植松栢千餘終禮部尚書封汝南公冽子鍊鎮渙子銖

皆仕有清名

蔣義

字德源義興人七歲見庾信哀江南賦再讀輒不忘從外祖吳競學博覽強記有史才揚館九

稱之父將明在集賢白宰相張說引義入院整比圖籍得善詩二萬卷德宗以凌煙閣左壁文漫剝召問義曰此歷中侍臣圖贊口誦不失一字帝歎異又問神策置軍本末條對甚詳判集賢院父子並為學士儒者榮之後封義興縣公五子係伸偕尤知名

蔣堅

晉陵人元和中在永州學為春秋師

蔣係

太和中拜史館修撰叅定憲宗實錄終檢校僕射淮陽郡公

蔣伸

字大直第進士蘇右補闕為修撰歷翰林承旨宣宗信任之見必咨天下得失未幾同平章事

懿宗朝命監修國史

蔣偕

鄭縣人幼有志父病嘗刲股以療舉進士補韶州司理陝西用兵數上書論邊事通判同州

知邠州歷數州鈐轄屢討平叛寇後為忠州刺史

蔣貽恭

吳人流落入蜀性耿直有逸才每一吟咏率名諷刺蜀主曰敢言之士也特授名山令

蔣曙

字耀之係之子也咸通末由進士第署鄂岳團練判官除虞工二部員外郎改起居郎黃巢之

難曙闔門無噍類以是絕意仕進隱居沉痛中和二年表請為道士許之

蔣搖

湖州刺史

蔣凝

美風標每到朝士家以為祥瑞朝中號為玉筍班

宋蔣文懌

朝奉郎試大理司直行常熟令事兼監察御史太平興國三年錢氏納士後首任七年去

任餘杭陸韶之作頂山龍祠記以載其政

蔣元振

淳化中知廉州清苦勵節家屬多貧不能贍悉寄潭州在任啜菽飲水政尚簡易民甚愛之

蔣堂

字希魯宜興人舉進士初為侍御史郭后廢堂與范仲淹孔道輔極言不可坐黜為河南發運使後知益州選屬官及鄉老之賢者教諸生儒風翕然後以禮部侍郎致仕堂為人修潔遇事

蔣敏修

字臻甫營道人十五遍讀諸經子史其父璟命作無絃琴賦立成人異之既長以文名元

豐登進士仕桂州理刑掾有文稿三十卷

蔣浚明

字彥昭其先自常州徙居奉化神宗時浚明詣闕上書論君子小人之黨言極剴切上嘉

納之授溧陽縣簿辭弗就後豐稷薦除大理評事遷尚書金部員外郎新法行上疏遭竄豐稷以其母老力爭之授無為軍司戶遷建康戶曹累贈至金紫光祿大夫以壽終

蔣元中

字元中永嘉人元豐中作新太學與郡人周行已等八人皆學術修明為四方學者矜式

蔣漳

零陵人少辭家入太學既無遇棄而歸隱黃庭堅在宜州病革漳往見馬庭堅委以身後事及

卒為棺斂具舟送歸鄒浩謫永州漳從之游浩有詔州之行漳又為經紀其家

不少屈好學工文辭  
尤嗜作詩多傳于世

蔣續

堂孫皇祐中僉判平江軍堂卒續自言少孤育  
于祖乞服衰以報朝議以堂有別子不許遂辭

疾謁醫去  
職行服

蔣之奇

字穎叔宜興人第進士又舉賢良方正英宗  
初遷殿前侍御史哲宗時以平寇功除寶文

閣侍制終觀文殿學士知杭州于東坡為同年  
進士嘗與定卜居陽羨之約有文集襍著百餘

卷子階  
孫興祖

蔣靜

字叔明宜興人徙居江陰登元豐二年進士第  
調安仁令毀淫祠神像三百軀後遷國子司業

徽宗幸大學命講書無逸賜金  
紫服進祭酒終顯謨直學士



鼎是其說薦為中都官炳文  
顧補外職自試除瓊管安撫

蔣璿

字季莊慈溪人宣和間師王氏之學閉門窮經  
不妄與人接高閑居明州城中每過訪其廬輒

相對小室極意講論自晝竟夜殆忘寢食或問  
閑曰蔣君不多與人周旋而獨與君厚何也閑  
曰閑終歲讀書凡有疑未判與闕而未知者每  
積至數十輒一扣之無不迎刃而解蔣君所長  
他人未必知之閑  
得為知己幸也

蔣璿

字夢錫之奇子元祐進士以明經薦徽宗擢為  
大司樂與梁司成議樂舞不合璿曰一代禮典

當質經不顧而去燕雲初復廷臣議上尊號璿  
曰裕陵卻徽號為萬世法奈何故說以虧盛德  
卒止之

蔣璨

字宣卿宜興人之奇從子知平江府禁戢姦偷  
鋤刈強梗植善柔拊貧弱獄市為清省諸軍馬

廩歲更之費  
邦人德之

蔣興祖

之奇孫知陽武縣金人犯京師道其境或勸  
興祖避之興祖曰吾世受國恩此吾死所也

監兵有與敵通者興祖斬以徇金人來攻敗之  
而去明日金益濟師再戰不敵遂死之妻及長  
子亦以悻死詔  
贈朝散大夫

蔣煜

僂居人有文學宣和中方臘起臘欲以女妻煜  
煜拒之脅以拜亦不從寇曰吾戮汝矣煜伸頸

就刃詈聲  
不絕而死

蔣炳文

興安人大觀間通判融州以兵入援京師為  
程不棄所沮遂罷官後上書言時事丞相趙

蔣允濟

興安人紹興間為新化縣令除革弊政民多德之後為賓州倅攝昭州先是官出錢二百

予民輸布一疋復折布為錢十倍取之允濟疏聞竟減其半嘗按問平南巡檢祝尚賢奪其官後允濟卒尚賢哭甚哀或問之曰罪在我如公之賢安得不哭

蔣復

字汝行零陵人受學於張南軒所著有澹岩文集

蔣汝通

字亨伯江陰人早入太學晚得一官高尚不仕以琴詩圖史自娛好古博雅尤邃于性命

之學嘗著質疑以祛支干五行配合之誤年登八袞積勤不已所編有引睡集藏于家

蔣芾

字子禮晉陵人紹興中進士第二累官至右僕射同中書門下平章事兼樞密使時有手詔議

大舉兵廷臣或主和或主恢復使芾決之芾奏天時人事未至拂上意尋除觀文殿大學士知

紹興府乾道  
中為宰相

蔣猷

字仲遠金壇人舉進士累官御史中丞兼侍講嘗論士風浮薄廷臣伺人主意承宰執風旨此

風不可長輔臣奏事殿上雷同倡和畧無所可  
否非論道獻納之體官終正議大夫卒贈特進

蔣子春

歷陽人教授鄉里建炎初金人至新塘見子  
春挾書又人物秀整喜欲命以官子春怒罵

遂為  
所殺

蔣行簡

字仲可永嘉人進士歷明州市舶監紹興中  
知海鹽有聲績還朝獻所著樞言五十篇通

判興國軍知處州聞趙  
汝愚謫死遂感疾不起

蔣康國

字彥禮古田人嘗從朱文公講論文公楚辭  
集解凡楚集皆質之康國學者稱鼎山先生

蔣重珍

字良貴無錫人讀書一覽輒記擢進士第一人  
以左史入經筵與魏鶴山真西山為深交

其所講明皆聖門  
義理卒諡文忠

蔣存誠

字遂明青田人好學工文辭仕為國子祭酒  
出知饒州猶子繼周舉進士歷館職二十餘

年一日孝宗問宰相葉衡其人如何對曰臣備  
位七年不識其面即日除右正言九奏議上稱

其得陸  
贄體

蔣元夫

清湘人元夫嗜學善屬文兩請鄉薦貴賤不  
欺游張南軒陸象山之門作本宗譜系序載

秀而下迄今凡一千四十餘年世數歷歷可考  
宗族散居他鄉其家風大振重源而務本慷慨

而好  
義

蔣舉

字時舉清湘人久在太學一日告友黃無悔曰學者所以學為忠與孝也有親弗孝乎忠既未立孝焉可忘我其歸矣無悔感其言歌以送之曰秋風起兮白雲飛南國遠兮心欲歸歸心切兮親庭闈復相見兮在何時舉由是以孝行知名

蔣一鳴

清湘人第一夔兄弟六人五世同居九十餘年家庭之間雍雍如也郡倅許儼暨權郡許

應龍咸嘉重之知余州鄧均有文風動士林義事著鄉井之褒湘人以為美談

蔣公順

清湘人壯歲即學舉子業精研義理之學從鶴山魏了翁遊者七年所得益廣築室湘源

命之曰一鶴鶴山發其義為之銘時為親老求任會別之傑制置兩淮携公順與俱以解安豐園補官監施州靜江稅再調沅州黔陽尉辟常德府桃源令未赴而卒嘗著廼祖龍溪翁家傳

撰時政十議十朋見而歎曰經世之文也知通  
州秩滿入覲首言江東鹽課較之淳熙七年出  
入之數虧二萬緡時主鹽筴者方以衍數增秩  
上矍然曰某人欺朕因訪本末雖口誦指畫應  
對如響上曰卿材通練當以藩郡處卿雖拜謝  
上目其背曰方面材也將除贛州為執政所沮  
遂退居樸鄉十餘年凡四請祠以壽終子祈字  
子舉以父任補官儻有大志博洽有文才

蔣南金

嘉定中知容州興學校立貢院在任三年  
自以教養為事未嘗有逸豫遊樂之好

蔣廷貴

侍郎堂之後堂守蘇卒遂家焉廷貴少時業  
博士有敏思以進士知樂亭縣惠愛行焉歲

侵役繁為之請寬其賦六七建州役興守以貴  
才委之督諸縣調輕重得其中事無不舉者縣  
故僻前令多苟而可貴能以自勞焉悴之不恤  
卒以死官下其少時入都嘗為諸姬擁之遑遽

以揚潛德凡師友辨訂  
微言奧論凡千餘紙

蔣峴

字伯見奉化人慶元中進士官至殿中侍御史嘗自誓曰勿欺心勿負主勿求田勿問舍號四

士勿居士

蔣科

字進之雷白人寶祐進士為瓊州教授篤意教養較文以器識為先歷宜陽令撫輯蠻峒教以

詩書於聲利澹如也

蔣雖

字元肅少博學強記於書無所不覽鄉先輩宋藻每以南方夫子稱之與林光朝同時十人俱

知名號莆陽十先生紹興十四年試詞賦兼春秋舉于鄉越六年罷兼經科以詞賦再薦登進士教授泉州守王十朋見其文大加賞識遂定交雖因作夢仙賦以獻十朋稱其詞新意古嘗



口者三日既葬立碣朝夕哭於墓下從陳子山游授以詩書春秋及諸文章大家輒悟其旨中原亂作官負祖母孫避地浙西用言者薦授行樞勾管洪武初擢蘭陽縣丞兵火之餘廣為招募弭災捍患興學崇禮邑人大和

蔣必勝

字質甫元末以明經教授高郵池州陸慶元主簿輕財好義建東湖書院指田地山二千

餘畝以供春秋祀事師生廩餼之用嘗延文士楊維禎為館賓與弟必壽等俱好義人謂之義門蔣子毅洪武初以人材舉為刑部侍郎

明蔣賢

字仲賢宜興人輕財好施遇歲歉發粟賑貧死無以葬者施以棺洪武初率鄉民運糧赴太平

以助軍上嘉其誠賜墨教俾知宜興州以老辭用其孫貞代之

絕袂去人  
稱為介

蔣芸

開化人咸淳鄉舉上疏論賈似道奸不報遂不就南宮試而歸宋亡元累徵不起人稱芹澗先生

蔣捷

字勝欲陽羨人德祐進士元初遁迹不仕大德間憲使臧夢解陸垕交章薦其才卒不就平生著述一以義理為主其小學詳斷發明音趣尤多學者以其家竹山咸稱為竹山先生云

元  
蔣禹玉

字叔寶之奇七世孫中潛舉授安吉縣主簿宋末提義兵救常州不克棄家入吳客杭元初以儒士貢除杭學錄鄧文原柳貫諸公深器重之卒年九十

蔣宮

字伯雝儀真人至正初中選生三歲母卒哭之如成人五歲通諸經善屬文遭父喪勺水不入

蔣驥

錢塘人洪武末登進士第授行人出使以清謹稱尋入翰林為檢討宣德初陞侍講與修兩朝

實錄成進陞侍講學士尋拜禮部侍郎卒

蔣用文

句容人洪武中以醫徵為太醫院判賜第於全節坊歷事三朝仁廟監國用文與蹇義黃

淮為輔導後扈從北上以疾卒遣中官護喪歸昇入城蓋特恩也贈院使謚恭靖

蔣廷瓚

滑縣人少有學術識治體洪武中以才行薦除都督府經歷改嘉興通判永樂初歷官至

工部侍郎夷人歸化疆宇底寧功成而還

蔣資

化州人洪武進士官至郎中時成祖繼統因諫見怒資就縛絕食三日不死充口外軍上疏上

嘉其忠名還出為濟寧知州陞叅議蒞任廉能簡易教行惠孚滿九載民卧轍而泣

蔣楫

字濟之全州人博學善屬文元舉進士不第洪武間以學行薦官至衛府紀善其詩文鄉人多

傳誦之

蔣良輔

四川閬中人洪武三十三年任本府儒學教授學規嚴整課試有方勤於教迪造就生徒

居多知府虞謙重之薦于朝陞給事中擢吉安知府

蔣子杰

奉化人自幼強記捷識稍長志操高勵不凡洪武八年舉于鄉授刑部主事日勤訊鞠獄

多平反陞山西按察使以風節自持憲治肅清後改鳳陽知府以寬濟嚴惠政尤多

蔣景高

字伯高象山人刻意問學與弟景武築室山中朝夕講論凡經史歷數之學無不注意為

詩文得古作者之趣洪武初薦授國子助教日擁皋比訓以正學一時生徒咸抵于成晚年自

號丹臺

外史

蔣公直

象山人勇智出倫處里閑恂恂執禮讓孝友篤于家人無間言洪武初元蘭秀山賊據縣

治衆莫能禦公直謀於縣尹孔立躬先率衆伏寶梵寺用計勦捕賊首招徠其脅從邑賴以安事聞朝廷賚白金五十兩擢桂林府陽朔縣知縣時居民不識蠶桑公直教之植桑仍於外郡市蠶種教以飼養之法民甚德之卒于官

蔣允

字彬夫永嘉人號蒼巖先生值元季避地閩中就試中流寓榜進士第一既而辭不就仕

洪武元年歸鄉里溫守楊時中聞其才延為本府學五經師同知王全延以師事之洪武二十二年實授本府學訓導浙江命考試鄉貢得士惟多其所著述有四書蔡類藏于家

欽定四庫全書

卷八十六

蔣守約

宜興人永樂初由樂舞生授贊禮郎累官太常寺卿陞禮部尚書天順改元致仕歸未幾

復召起

俾典祀事年七十八卒于官不

娶以族子悅祠蔭補國子生知玉山縣

蔣禮

和州人永樂進士授編修官至禮部郎中兼左春坊中允致仕外和內剛門無私謁文譽日著

而退托似不能言歸老十餘

年屏跡公門後學宗為矩度

蔣貴

字大富琬子江都人起卒伍靖難累功封定西侯征木麓川追封涇國公謚武勇

蔣琳

錢塘人官都察院左副都御史琳清強鷲銳勇於立功奉法以行萬夫莫回而於人喜怒身之

禍福不計也當其巡撫貴州提督總兵軍馬行

事峻整自副總兵三司不敢仰視先是草塘夷

叛官軍屢挫琳至計須獨獲而總兵以下難之

琳乃躬為之率奮先以征一鼓直抵巢穴掃汎

芳聲自古聞千年之後見斯人董狐再著循良傳應有吾巴蔣牧民擢監察御史巡歷所至務持大體風紀振肅臺察有聲復陞廣西按察司副使兵紀刑辟威怒並行平日事親甚孝致仕歸力盡孝養鄉人賢之

蔣銘

字公紀大庾人宣德中由進士授南京工部虞衡主事陞驗封郎中謙恭有守後陞雲南澂江

知府清介不阿民不忍欺比致仕尤以風節自持非公事足跡不及公門

蔣澹

字希舜南海人領正統甲子鄉薦積學能文同年學士丘濬稱之知福建晉江縣明敏多異政

視地宜給民以鄉穀種教之播耕民蒙其惠名曰蔣家稻遷任時民思之刻石于城南橋上曰愛民父母蔣公云澹為人慈祥愷悌而近民賦詩近唐體多可觀者官至泉州府同知致仕年

而還璽書褒嘉有忠誠謀勇盡  
心為國之語自是諸苗斂畏

蔣暉

字廷暉錢塘人暉自幼好學博涉子史精楷法  
受知者薦入翰林授中書舍人陞禮部郎中兼

侍書年滿七十堅乞致仕歸壽八十八卒暉在  
官四十餘年小心謹密出入禁闥未嘗有過愛  
重友道一時同事貧不給者居停周給其有歿  
者復為殮殯歸其柩且為經紀其後暉平生惠  
利人庶矣未嘗有所責報亦未嘗以語諸人故  
人咸以長者稱之書法蒼勁而結體森嚴尤善  
題署子宏卒官吏部  
郎中寔閩縣教諭

蔣勉

涪州人永樂中進士擢刑部主事練  
達刑名歷陞本部右侍郎能聲著聞

蔣誠

字性存大庾人由進士知四川巴縣廉慎公勤  
興學勸士牧愛之心始終如一巴民謠曰卓魯



經賦廉賦胥擊豪右以偽果集事衆駭愕而服  
尋授御史立朝諤諤敢言不為依阿出按山西  
糾貞百度陞河南按察司僉事積歲訟滯填委  
勛取省閒俱完士類中貧不能舉婚喪者捐俸  
餘濟之卒於  
官時悼惜之

蔣琬

江都人正統中嗣爵成化中充平羌將軍鎮甘肅克平胡將軍禦虜宣府還充團營總兵卒贈

涼國公諡敏毅世嗣侯

蔣冕

字敬之全州人成化丁酉年十五舉鄉試第一丁未進士改吉士授編修任至少傅戶部尚書

護身殿大學士致任卒隆慶改元贈少師諡文定

蔣鏞

字明遠少敏悟風成博記經史言注之筆端豐蔚條鬯歲大比縣令私試第其文輒甲諸士成

七十八  
卒于家

蔣昇

字成之全州人成化丁未進士與弟冕同登人以為盛事任廣州南海知縣以政績卓異徵入

朝擢監察御史遷湖廣按察副使歷陞都察院右副都御史巡撫南贛汀漳進戶部右侍郎嘉

靖初以廷薦陞本部尚書數月以老疾辭賜敕褒諭致仕命有司歲給輿隸仍馳驛以歸無何

弟冕以少傅兼謹身殿大學士致仕相與優游林泉兄弟完名人益訖以為難卒祭葬命有司

臨之昇天性純篤於世人機械事茫無所知廉明清介剛斷如神民無不戴咸以為無愧古人

云

蔣勛

肥鄉人幼孝友聰秀動止如老成人成化辛丑進士授河南濟源知縣民俗獷復喜爭公至通

化間以毛詩登鄉闈第兩黜禮部竟以疾卒鏞  
性疎豁爽朗無城府羣居不詰人過犯之輒噴

若充耳人  
因多其量

蔣誼

字宗誼句容人成化  
丙戌進士任御史

蔣恭

字肅之巴縣人成化  
丁未進士歷侍郎

蔣曙

字景明全州人弘治  
丙辰進士歷侍郎

蔣欽

字子修常熟人弘治丙辰進士拜監察御史劾  
馬永成八人之奸及劉瑾用事繫獄鞠問挺言

不回竟死杖下贈光祿  
少卿廕其子為太學生

蔣宏

字維深上元人由進士歷任南京吏部郎中陞  
江西布政司右叅議弘治間分守南贛有文學

部歷南安振作文  
教士心感慕致任

蔣璣

字大器平樂人弘治間舉人正德間授福建連城知縣連城舊無城璣經營築城不期年而完

鄰邑武平賊首劉隆等劫害生民興師征勦以勇智奉檄往往擒斬賊級數多益勵其衆深入險阻以殄餘孽為賊所執不屈死之連城士民追思遺愛立祠祀之扁曰忠惠贈汀州府同知

蔭其子朝陽

入國子監

蔣同仁

字公甫武進人正德甲戌進士歷參議

蔣淦

字汝潔泉州人正德進士歷惠州知府政先仁恕訟獄至者不煩鞭朴而皆得其情歲當攢造

力杜飛詭於是徭役適均貧民稱便累官工部右侍郎

蔣彬

字原學全州人正德甲戌進士歷參政

蔣洪

字國信溧陽人由進士正德十五年任知縣治尚寬恕文學技藝俱優其勸農禮士尤為諸邑

最三年陞北京工部主事歷官員外郎中任至湖廣僉事

蔣山

字子雲儀真人正德甲戌進士嘗以諫被謫復起官止布政司參政其人蓋達生而有德

者其詩亦似其人

蔣紱

字洪章號無礙登正德甲戌進士知光山吉水二縣為人氣高志洪而厄於命家居簡出搜剔

書史為詩文蒼古人爭求之所著有無礙等集

蔣舜民

字虞中正德丁丑進士初任清豐知縣有惠政均田為首累陞浙江按察司僉事調山西

平生好天理不喜曲事上官及與物接謹如也與朋友言疊疊不倦其天性如此

蔣達

字文孚江都人成籍家南京少以文學名進士任嘉興知縣拜御史值宸濠叛出軍江上以勞

邁疾卒事聞贈光祿少卿諭祭

蔣瑤

字粹卿號石庵歸安人弘治己未進士正德己巳改御史按畿甸會流賊劉六等嘯聚剽掠公

計縛其黨賊遂解去值毅皇帝南幸前鋒廖宦者數窘公遊擊江彬尤甚以所賜銅瓜先驅肆脅公不為動陞江西左布政使當逆藩變後百務改創公鎮之以靜而民不擾擢副都御史巡撫山東改河南賑飢殄盜疏通運河河清者六日復命掌南京都察院事陞工部尚書扈從天壽山諸陵遣督四郊壇壝等工瑤以工役繁興財用不給上疏未報繼以年老乞休致瑤沉毅

曰予不幸蚤孤僅一庶祖母老矣寧復  
濡忍斗粟為遂挂冠歸聞者莫不高之

蔣信

字卿實武陵人少為諸生貧甚郡太守憐之令  
捧詔適屬縣例得津贈為助信至懇拒之竟一

無所受時姚江王守仁謫赴龍場寓武陵講良  
知之學信雖從遊其門而卓然自有見不盡是  
姚江言比屢試不第應貢卒業南雍祭酒湛若  
水俾主諸生教事嘉靖戊子舉應天鄉試壬辰  
舉進士年五十矣歷官兵部員外  
郎四川僉事擢貴州提學副使

蔣應奎

字文煥馬邑人嘉靖丙  
戌進士歷兵部侍郎

蔣懷德

字惟寧山陰人嘉靖  
戊戌進士歷叅政

蔣坎

字養孚餘姚人嘉靖  
戊戌進士歷知府

剛正廉靜寡慾臨利害不少變氣節居家養重  
絕跡公門與諸鄉達結社岷山之逸老堂春秋  
二會燕享太平壽八十九諡恭靖子舜臣應貢  
有時名年三十而卒子岳鶴慶知府孫紹勛光  
祿署丞咸能  
世其先云

蔣雷卿

字子仁長興人置義田義學者故稱義門蔣  
氏雷卿少沉敏力學砥行博綜羣籍斷斷名

檢有希聖之志與同邑臧應奎韋商臣讀書顧  
渚山中以古豪傑自期待里中稱為三龍後應  
奎商臣相繼舉進士雷卿竟不第貧益甚苦節  
彌堅郡守萬公雲鵬邑令齊公之鸞竝重其名  
周之粟避謝不受晚以選貢入京師相嵩欲招  
致門下雷卿力辭歸後數年除寧國訓導青陽  
縣學教諭授經講藝亶亶不倦然必以力行為  
先諸生多所成就遷荊州府學教授公喟然歎



宋 仰仁謙 吳興人太平興國間以太子舍人知永嘉廉慎有容撫民如子時錢氏方歸疆土仁謙始

為邑令政事一新人為改觀

仰忻

字天貺永嘉人力學以篤行稱年五十餘執母喪盡孝躬自負土廬于墓側有慈烏白竹之瑞紹聖中郡守楊蟠表其里大觀二年以行取士郡以忻應詔未幾卒特贈將任郎

仰文蔚

温州人紹興中登科

明 仰瞻

字宗亮長洲人正統初任大理寺丞同薛瑄與王振抗謫戍後召還

仰昇

字晉卿無為人成化進士任河南左布政使

仰儒

餘抗人弘治進士

蔣宗魯

字道父普安衛人嘉靖  
戊戌進士歷都御史

蔣貴

字子素全州人嘉靖  
甲辰進士歷僉事

蔣孝

字惟忠武進人嘉靖甲  
辰進士歷刑部郎中

蔣焯

字子厚全州人嘉靖  
癸丑進士任御史

蔣弘德

字孚善巴縣人嘉靖丙  
辰進士歷長沙知府

仰

汝南宮音今新安吳興並有此姓又望出錢塘

漢

仰祗

御史大夫

五代  
仰仁詮

吳越寧國  
節度使

仰公顯

合肥人萬厯間  
撫州衛指揮

養上聲山陽羽音養由基之後

周養由基

楚大夫善射去柳葉百步射之百發百中晉  
楚戰于鄢陵基射甲微七札再發盡殪晉師

乃止楚有猿王使射之  
始調弓猿擁木而號

漢

養奮

字叔高鬱林州人博通古籍郡人重之以布衣  
舉方正和帝時策問陰陽不和或水或旱奮對

曰天有陰陽陰陽有四時四時有正令春夏則  
予惠布施寬仁秋冬則剛威威行刑賞罰殺生  
各應其時則陰陽和四時調風雨時五穀升今  
則不然長吏多不奉行時令為政舉事干逆天  
氣上不恤下下不忠上百姓困乏而不恤衆怨  
鬱積故陰陽不和風雨不時灾言緣類水者陰

盛小人居位依公營私讒言誦上雨漫溢者五  
殺有不升而賦稅不為減百姓虛竭家有愁心  
也奮蓋一時名儒  
惜莫能究其所終

南  
北  
養彭舒  
宛人

養雄  
壽州人洪武中從王師征廣  
西等處陞長沙護衛指揮

明  
養賢  
涼州人正德中江西  
都司都指揮同知

養大賢  
涇陽人萬曆間山  
西平定州吏目

仇  
音掌見姓苑

周  
孟母  
仇姓

漢仇胥音啓梁州人

賞吳中八族有此姓

晉賞慶註易為郝鑒主簿

明賞震會稽人洪武中任理問

賞璫會稽人宣德中任順德判

賞賓寶難人弘治中任常山丞

掌魯大夫掌氏之後出燉煌

晉掌同同州人

南  
北掌據燉煌人前涼遂興侯

宋  
掌禹錫字唐卿郾城人舉進士為道州司理試身言書判第一改大理丞以尚書工部侍郎致仕

禹錫博學多記嘗預修皇祐方域國志地理新書及校正類篇神農本草又著郡國手鑿周易

集解

掌奏

掌天鈞密州人

掌世衡許州人

掌之純政和二年知汀州

矣上以其朴  
直益厚之

党仲昇

漢川人金人圍安陸遊騎闖漢川仲昇保守  
南河逆戰斬其先鋒焚其戰艦金人大敗去

劫金人寨殺千餘人仲  
昇中流矢死賜修武郎

党琪

淳化  
登第

党師經

延州人  
登科

党懷英

泰安人父純睦本馮翊人仕為泰安軍錄事  
叅軍卒于官因家焉懷英博學能屬文辭尤

工篆隸當時稱為第一舉進士官至  
翰林學士承旨卒諡文獻著有文集

明党理

字邦仁真寧人洪武二十九年以進士出知河  
南之宜陽縣能以經術飾吏事政通人和境內

壤

周壤駟赤

秦人孔門弟子長于詩書唐封北徵伯宋加封上邽侯

党

丁浪切今作党音黨馮翊商音與黨姓通晉大夫黨氏之後也又本出西羌自云夏后氏之後

南党耐虎

將軍

唐党芬

為房瑄孔目

党仁弘

廣州都督高祖入關有功後歷官受賕法當死太宗召大臣自責曲赦其罪黜為庶人

宋党進

馬邑人開寶中從征太原以功歷官至忠武軍節度卒贈侍中進形貌魁岸每環甲冑毛髮皆

豎宋制掌禁兵者悉書其數于槌上記焉太祖問進所掌幾何進不識惟舉槌以示曰盡在是



党緒

字汝水承天衛人嘉靖癸丑進士歷同知

党縉

太康人嘉靖中任兩淮鹽運司同知

党馨

益都人隆慶戊辰進士

黨

魯公族商音馮翊

周

黨叔讓

魯大夫

晉

黨同

廣

官音丹陽廣成子之後

宋廣漢

紹興三年任通判贛州軍事

以治永樂初陞太僕少卿理為人渾厚沉潛為文敷暢典雅有邁乎人

党厚本

新都人成化中任荆門知州

党茂

忻州人弘治間知武功性淳篤質直而善緘默御吏治民不責於人情之外事完令行而已中更剛正不畏強禦譽來不喜諂至不怒有長者之道當路者以為才劣於縣改渭源檄至慨然

委任以去人至今稱其賢

党承志

字汝孝忻州人正德辛未進士歷布政

党以平

字守衡河南鈞州人正德甲戌進士歷都御史

党承賜

字汝錫忻州人嘉靖壬辰進士任御史

廣熙績

永州別駕

廣嵩

六安人洪武中舉楷書任中書

廣嚴

蒲縣人正統間難澤縣丞

曩

見姓苑

元曩秉彝

蒙古人一名加台寓居澧州受學于瞿丙中湖廣鄉試第一舉進士授薊州錄事官至河

南省  
參政

莽

後漢馬后之先也

後惡其先有反者改為莽氏莫捕

漢莽通

戾太子反侍郎莽通斬反將如戾封重合侯

明

莽亨

平原人正德中  
思南府通判

上

是掌切商音見姓苑

漢

上雄

見印  
藪

元

上都

為中興判官統兵擊賊既而東門失守上都倉  
黃反鬪力屈賊執之使降上都大罵賊怒剗其

腹剗其  
肉而死

明

上泰

字志同江夏人景泰甲  
戌進士歷廣東左叅政

上志

陝西人天  
順進士

上觀

字景瞻江夏人  
成化中任知府

上伯時

吳川人正德中大治縣知縣

朗

見姓苑

明朗清

象臺人宣德中任都察院司務

蕩

宋桓公子蕩生公壽壽生意諸以王父字為氏故稱蕩氏

周蕩意諸

宋司城

蕩虺

意諸弟

漢蕩疑

古今人表

訪

唐訪式字叔矜吳人舉進士有高行名著

雍咸間知洪筠二州官至轉運使

象見姓苑潁川望族

駟畧養反見姓苑

汧呼廣反今涇州有此姓

鞅見姓苑

昉見姓苑

放見姓苑上聲堯臣放齊之後

丈見姓苑

萬姓統譜卷八十六

爽 見姓苑

怔 音往見直音



景春

見孟子

景缺

楚將

漢景丹

字孫卿，櫟陽人。更始時為上谷長史，與寇恂等將兵歸光武，拜偏將軍。與吳漢從討王郎有功。

拜驃騎大將軍，封櫟陽侯。明帝時圖形雲臺。

景毅

蜀郡人。靈帝時，李膺坐鉤黨，詣詔獄。考死，門生故吏竝被禁錮。毅子碩為膺門徒，未及錄毅，慨然曰：「本為膺賢，遣子師之，豈可漏名苟安遂自表免歸時人義之。」

景鸞

字漢伯，梓潼人。嘗上書數陳災異，州郡辟不就。作詩解易說著述五十餘萬言。

景風

善易

欽定四庫全書

萬姓統譜卷八十七

明凌迪知撰

上聲

二十三梗

景

晉陽角音半姓楚公族之後又望出馮翊漢初徙豪傑於關中今陝西多此姓

周

景差

楚公族大夫與宋玉唐勒事襄王遊高唐作大言小言風賦作續騷

景義

晉人

景丑

齊大夫

景務修

樞密副使

景養

西湖民孫皓初為烏程侯相皓當大貴

五代景遙

時人善射嘗教其子射曰射不入鐵不如不發子延廣任石晉為都指揮使橫挑強胡敗死

宋

景自芳

雅州人破賊有功嘗于二月十二日作寒食至今里人號景春寒食

景希孟

知巴川縣二年滿秩常有詩二載巴川縣誰知是與非還鄉何所有載得一清歸

景林洙

通川人咸平間王均叛州有賊應之林洙將鄉兵拒戰于州北為賊所戕首墮而身不仆

跨馬奔歸州城東北隅人訝而呼之曰公無首矣於是陸地邦人即其地立祠祀之

景泰

字周臣安岳人舉進士為坊州推官歷知寧原二州以奇兵敗元昊于彭陽改鎮戎軍賊不敢

犯後徙秦鳳路總管子思忠累官左藏庫副使  
思立熙寧中屢立戰功知河州神宗知其母老  
命其弟思誼為秦  
州判官以便養

景思立

知河州

景光

京兆人

景大方

景繡

徽州人  
俱登科

景蘇

景隲

建炎  
進士

景淵

景教

大觀進士  
俱綿州人

景秉

淳熙十六年以朝散  
郎秘閣修撰知臨安

元景厚

漢陽人領鄉薦至京師中  
書左丞許有壬師事焉

景素陽

襄陵道士師事梁古賓居阜山道院元末兵  
亂鄉人匿山中唯素陽與師不去兵至求財

不得欲殺古賓素陽曰師老矣願以身代兵即  
以刀斫素陽刀忽斷為三兵皆驚異羅拜而去

明

景星

字德輝餘姚人洪武中以儒士保陞杭州儒學  
訓導其學特萃于經尤長於春秋弟子承指授

者多去取高第逮今猶沾溉  
焉所著有四書啓蒙行于世

景福

臨淮人洪武中為會州衛指揮同知後從靖難累積功至右軍都督僉事卒賜葬祭

景清

陝西真寧人洪武辛未進士第二授編脩改御史建文初歷官左都御史改御史大夫靖難後

自歸挾利刃入朝文皇出御殿門清奮躍而前上命收之清慢罵上大怒命挾其齒且挾且罵含血近前直噴沁御衣碎磔其肉赤其族

景芳

字德馨定陶人性孝友淳慤中成化癸卯鄉試選授臨漳令生負有牛舜臣者貧不能娶芳即

捐俸以完其婚民有陳恕母告恕不孝芳以恩意曉諭之遂感為孝子值漳水大漲城門幾圯芳設法捍禦之卒全其城鄉民漂沒者尤極力賑恤不少懈九載考績遷知平定州復遷慶陽

府同知

尋卒

漢集今  
梓傳

景承芳

陝西醴泉人嘉靖  
壬戌進士歷副使

耿

高陽宮音殷時侯國尚書祖乙圮于耿晉大夫趙肅  
肅滅因氏焉又望出扶風河東

漢  
耿壽昌

宣帝時為大司農中丞奏設常平倉增價而  
糴減價而糶以利農民皆便之賜爵關內侯

耿弇

字伯昭光武指之曰此我北道主人也後平齊  
帝曰將軍前在南陽建此大策常以為難合乃

知有志者事竟成也封好時侯父况病  
弇兄弟六人衣青紫侍醫藥時人榮之

耿國

弇弟為五官中郎將時單于款塞朝議欲不許  
國獨言宜如孝宣故事帝從之自是中國無事

者二十七年  
官至大司馬

景濬

蒲州人正德中進士授監察御史巡按順天江西秉公持法激濁揚清陞順天府丞以疾家居

杜門靜修不事炫耀累召不起後終于家按屬士民遠來弔賻

景萃

漆之子幼警敏孝友篤至性嗜濂洛之學搆文力退古作嘉靖中遊蒲庠有聲譽共期甲科乃

引疾辭廩當道皆雅重之厥後學益進德益高訂確世務鑿鑿可行非一于隱居者卒鄉人無

顯晦交與其賢號曰逸民云

景暘

字伯時儀真人少聰穎登正德戊辰進士第二授翰林編修稍遷國子司業每與六館諸生講

解不憚寒暑典籍餽廩私益以斛後知之歸其益曰吾雖貧何相賊也時士習競尚請託暘悉置不行舊俗稍正尤篤孝友有姊蚤寡迎與母俱其子女為嫁娶衣食之鄉人頌其德焉著前



耿霸

建武中以上谷太守與吳漢等擊賈連戰平城下破之追出塞後與杜茂詣飛狐道堆石布

土築起亭障自代至平城三百餘里

耿况

上谷太守其子弇發突騎從光武擊斬王郎大將

南耿豪

鉅鹿人有武藝好以氣凌人周文帝時以武勇見知從戰芒山當豪前者死傷相繼周文嘉之

拜雍州刺史進位侍中驃騎大將軍

耿詢

字敦信滑稽鞞給伎巧絕人隋文帝時得罪當誅自言有巧思于是特原其罪詢作馬上刻漏

世稱其妙及字文化及弒逆之後謂其妻曰近觀人事遠察天文字文必敗李氏當王謀欲去

之為化及所殺

耿夔

漢永元中大將軍竇憲之裨將也與任尚圍北單于於金微山出塞五千餘里以功封粟邑侯

追贈  
為王

耿恭

字伯宗國弟慷慨多大畧明帝時以戊己校尉攻匈奴引兵據疏勒城拜井得水以功拜騎都

尉東漢以來耿氏子孫踵歷顯仕者數十百人

耿秉

國子博士通書記能說司馬兵法明帝時拜謁者僕射與竇固等擊車師征匈奴以功封美陽

侯

耿純

字伯山鉅鹿宋子人從光武恢復有功封高陽侯嘗為東郡太守視事數日盜賊清寧後東郡

盜起純與大兵會討賊聞純入界九千餘人皆詣純降卒諡成侯

耿玄 善卜占有客扣門玄在室已知其姓字并所齋持及來問之意其所卜筮十中八九王公聞之

莫不驚悚而退故玄多見憎官止鉅鹿太守

唐

耿漳

與錢起等能詩齊名號才子

宋

耿全斌

真宗時知安肅軍嘗繪山川險易為圖以獻契丹來侵遣兵擊走之

耿昭化

河南人任為蜀州司戶叅軍盜據城欲脅以官昭化大罵至縛手足不屈而死

耿傅

字公列昭化子少喜俠高氣初以父蔭累官通判儀州徙慶州元昊入寇參福行營軍事諸將

失利或勸傅避之傅愈前指顧自若被數鎗乃死詔贈右諫議大夫官其四子

明 耿秉

字直之江陰人任至兵部郎中兼給事中終煥章閣待制律已清儉兩為浙漕所至以利民為

事著春秋傳二十卷  
五代會史二十卷

耿幾父

神宗時壹邑令持正不阿時縣治近馬  
類故道數有水患乃徙置縣東四十里

耿南仲

尚書  
左丞

耿亮

字彥明保定雄州新城人庚子歲到任時邑井  
皆燬于寇能惠愛撫民興縣治宣布德化民到

於今稱之尤留心學校  
殿廡一新時稱破天荒

耿羽

字儀父淳熙進  
士太學博士

耿世安

淮東副總管初謀報北兵至制置使賈似道  
調往連水軍增戍衆方猶豫世安徑迎至漁

溝以三百騎塵擊身被七鎗猶能追敵潰兵收  
兵還至數里沒事聞贈官立廟淮安賜額忠武

耿秉由

知廣德軍遇歲大歉發長平倉以賑飢民萬餘人且自劾其矯制之罪寧宗聞之賜璽書

褒異

耿望

咸平中知襄州遷京西轉運使與朱台符並兼制置營田事導渠溉民田二千頃

金 耿端義

博平人大定中進士官翰林侍講學士參知政事時中都被圍端義奏今士卒縱不可

使城中軍官不啻萬餘出戰亦可得志議竟不行及圍解遂請遷都宣宗從之

元 耿奉訓

天歷初知荆門廉恕公正剖決如流歲飢出俸資及募富商米煮粥活飢民五萬五千七

百餘口民為立德政碑

明 耿炳文

淳州人沈毅有智畧自廣德取長興斷偽吳右臂孤城血戰凡十年從定中原遂鎮守陝

西修築涇陽縣洪渠堰十萬三千  
餘丈民皆利焉論功封長興侯

耿再成

字德甫五河人國初歸附從征渡江多著勞績累陞樞密院判官守處州苗軍元帥李祐

之等叛再成聞亂即上馬收兵不及追賊罵曰賊奴國家何負汝乃敢反因被害追封高陽郡公

耿璿

長興侯之子洪武中為前軍都督僉事尚懿文太子長女江都郡主建文元年郡主進封公主

璿為駙馬都尉掌前府事璿勇悍有武畧靖難兵起以王室懿親得預聞兵事炳文北行璿力勸直搗北平已而炳文戰數敗璿怏怏抱病時對公主悲泣建文君遜去杜門稱疾竟坐罪死

公主復稱郡主永

樂元年春憂卒

耿璿

長興侯仲子累官至後軍都督僉事靖難兵起與江陰侯吳高及楊文率遼東兵圍永平不克

身請書而已嚴取與與衆寡合累  
遭讒困賴上知其所存卒保全之

耿定

和州人歷官刑部郎中以才優舉陞叅議轉任  
浙江布政使正統末處州盜起定領兵勦捕率

先督戰死于兵事聞贈浙  
江按察司副使遣官諭祭

耿福緣

永樂初為安平縣丞廉能才幹撫民有方後  
以母憂去耆老百餘人赴闕請留不允比服

闕邑民又  
懇請復任

耿裕

九疇子景泰進士擢給事中改翰林歷祭酒至  
吏部尚書世守清白為儒流冠冕坦夷無物公

忠兼盡辨論官材各  
盡器使之宜諡文恪

耿明

字晦之館陶人弘治  
丙辰進士歷叅政

遂退保山海關吳高被間奪兵徙廣西楊文守  
遼東嶽數請攻永平以動北平文不聽靖難後

死嶽論

耿通

齊東人洪武間領鄉薦任都給事中嘗面奏有  
犯無隱侍太宗覽奏牘事其御案鎮紙金獅欵

側將墜通趨進移置案中上謂曰幾危哉通曰  
古人安不忘危况敢忍視其墜上顧侍臣曰一  
器之微置于危處則危置于安處則安天下大  
器也獨可置之于危處乎尋擢大理寺卿奉詔  
往安南諭以小事大之禮

安南臣服後死于奸黨

耿九疇

字禹範盧氏人永樂進士授給事中宣德中  
以副都御史鎮守陝西持已端方政令簡肅

官吏畏服八郡翕然大治歷南京刑部尚書謚  
清惠九疇奉身節儉無他嗜好公退家居惟謹



漢井丹字大春建武間人通五經善談論京師語曰五經紛綸井大春

井宗

司徒椽

宋

井淵

尚書郎

井亮功

井宗元

嘉祐登科

明

井田

字九疇邢臺人永樂間任戶兵刑三科給事中為大理評事職達大體隨在以賢稱

井源

字永清田子尚嘉興大長公主為駙馬都尉雖富貴未嘗驕人正統中卒于土木天順初上憫

其勞勲追

封鉅鹿侯

耿隨朝

字子衡滑縣人嘉靖丁未進士歷參政弟隨  
御字子承同科進士歷巡撫順天都御史有

名才

耿定向

字在倫麻城人嘉靖丙辰進士歷任直隸提  
學御史陞都察院右僉都御史巡撫福建弟

定力隆慶辛未  
進士任郎中

耿鳴世

字茂謙新城人隆慶  
戊辰進士任御史

井扶風徵音虞大夫井伯姜子牙之後以字為氏又望  
出南陽

周井伯

夫虞大夫

井利

夫晉大夫

井一成 建德人宣德中任校書郎

井奎宿 泉州人弘治中任鉅鹿知縣

井濟博 文安人隆慶庚午舉人

幸 宮音鴈門

晉 幸靈

建昌人性寡言父母嘗使守稻羣牛食之不驅牛去乃理其殘亂者曰萬物各欲得其性耳後

為人療疾去妖怪輒有驗賴濟者甚衆不取報謝為人性恭儉見人即先拜言輒自名行不騎

乘長不娶晚年始娶妻畜車馬云

幸黨 術士

唐幸南容

高安人貞元中舉進士累遷國子祭酒  
後有神異百姓呼為龍王立廟祀之

幸軾

南容孫博洽強記有祖風  
中和二年為太子校書郎

宋幸元龍

字震甫高安人嘉泰初進士通判郢州上書  
雪濟邸之冤攻時相史彌遠之惡言甚痛切

亦與彌遠書救魏了翁真德秀洪咨夔胡夢  
昱竟忤彌遠遭劾屏廢而卒所著有松垣集

幸當時

高安人元龍之弟以特科授光化軍司戶襄  
帥趙范檄往唐州收買軍需未幾武守郭勝

叛當不從為所殺事聞朝廷  
嘉之贈以京秩官其一子

幸溥中

字季洪元龍之子  
官至鬱林知州

幸白

幸祐

幸之武

南豐人俱登進士第

幸義

紹興進士任御史

幸字

南豐人宣和進士

幸美中

紹興進士南豐人

元

幸興之

雲陽人至正進士

明

幸寔

字正義江西吉安人永樂乙未進士刑部主事

幸晟

潮州人永樂舉人任教諭

幸禮

雲都人宣德中四川灌縣知縣

幸聰

棲霞人宣德間上杭縣主簿

幸寧

廣昌人成化貢士最慎取予嘗讓貢于友人操行端潔人咸以清修目之

幸復

巫山人弘治舉人任保昌縣學訓導

丙

商音平陽齊大夫丙歌之後

周

丙茂

齊懿公臣

丙氏

魯人以鐵冶起富至鉅萬類有拾仰有取鄒魯以其故多去文學而趨利

漢

丙吉

字少卿魯國人為廷尉監宣帝生數月坐衛太子事繫獄吉擇謹厚女徒保養之及帝即位吉

邴意茲齊人

邴洩魯孟氏  
家臣

漢邴原字根矩朱虛人少與管寧俱以操高稱州府辟命皆不就後避亂居遼東一年往歸原居者數

百家游學之士教授之聲不絕後曹操辟為司徒掾歷遷五官將長史閉門自守非公事不出

邴漢琅邪人有清行為中大夫王莽秉政俱乞歸賜策書束帛遣之

邴曼容漢兄子養志自修為官不過六百石自引去其名過於漢

邴尊議即梁冀謀廢立先刺殺尊

邴奩見印  
藪

不伐功後知之封博陽侯拜相吉尚寬大  
知大體于官屬務掩過揚善世稱其賢

丙倩

功臣表封  
高苑侯

丙充國

見印  
戴

宋

丙發

端平進士  
遂寧人

邴與丙同望出魯國晉大夫食采於邴因氏焉

邴豫

晉大夫

邴夏

邴師

晉人豫  
之後



聚

元

聚伯宣

作浙江  
潮候

冷

徽

音京兆古伶倫氏之後音訛為冷又望出新蔡臨

漢冷豐

宣帝時為淄川太守傳公  
羊春秋之學授馬宮左咸

冷壽光

行容成公御婦人法取精于玄北其要穀神  
不死守生養氣者也謂握固不泄還精補腦

可以  
長生

冷宏

尚書  
令

冷徵

護羌  
校尉

三郟春  
北海人

南郟  
後魏人益  
北郟  
州刺史

穎陳留鄭穎考叔為穎谷封人因氏焉

周穎考叔  
春秋時穎谷封人聞鄭莊公誓不見母有獻  
于公公賜之羹食而舍內公問之對曰小人

有母請以遺之公感  
其言遂為母子如初

漢穎容  
字子嚴長平人博學多通善春秋  
累徵不起著春秋條例五萬餘言

宋穎棫  
承務郎徵  
州路知事

穎洪  
江陰司法  
淳祐元年

冷苞

劉璋將

冷褒

郎中令

冷循

冷喬

冷福

冷伯

俱見印藪

唐冷朝陽

有詩名憲宗嘗問朝臣曰比聞一士人能作詩姓字甚僻大臣以朝陽對上曰非也詩評

云朝陽在大厯才子中為最下

冷約

司空天祐元年冬致仕為人優柔信用非人三年十二月吉州彭玕彭璋率兵圍城秦裴鎮洪

州差呂

師周替

南北冷道

江都人徐州刺史徐

宋冷廷叟

任宋為光祿卿以詩酒終山谷詩序云廷堅於廷叟有十八年之舊故山谷有詩云往時

盡醉冷卿酒又云冷卿智多  
髮滄浪牛刀發劓司一邦

冷源

元符中任武康令

冷應徵

字公定分寧人寶慶初進士調廬陵主簿以廉能著知廣州政務不擾不倦嘗曰治官事

當如家事惜官物當如己物聞襄樊受圍日繕器械裕財粟以備倉卒後卒賴其用臨事輒斷

雖勢要不  
為之撓奪

冷世光

字賓王常熟人紹興十八年進士調歸安簿  
知歷陽縣改知寧國龍游朱文公為常平使

者常委用之兩省交薦除監察御史遷殿中侍  
御史彈劾無所避人謂之冷面御史尋知嚴州  
引年致仕作閒適堂晚歲優游里社泊如也年  
八十終朝奉大夫自其父通奉賑施鄉邑世光  
兄弟率行不替鄉人高之有奏議彈  
章二卷東堂類藁二十卷刀筆五卷

冷世修

字良器紹興十八年進士調崇德縣簿知興  
化縣監行在數賞庫改秩乞改次等官回一

階封垂白之母命詞寵之遠近歆豔知建康上  
元縣民有互訟者世修諭之曰骨肉相爭非美  
事也今以法繩汝則終身不可復聚以恩義化  
之民感泣爭讓通判和州秩滿知南康軍未上

巧祠作留耕堂以示子孫卒年七十二終  
朝奉大夫有詩文三十卷詞科類要十卷

元冷齊賢高安人善讀書樂於為善至正間出粟賑乏  
賴以活者甚衆鄉里德其好義號曰春山以

其活枯槁  
如春陽也

明冷謙字啓敬有仙術  
歷太常協律郎

冷自誠寧縣人洪武  
初庚午舉人

冷春字載陽高安人洪武已  
卯舉人任吏科給事中

冷麟山東人洪武七年為鄞令精敏廉慎一介不苟  
取量事難易與民面立期限期至未完許赴縣

展限即三五易亦不深罪也如違期不報即一  
日必罰派辦徵科務求民便且天性仁恕不忍

冷遂南

四川人成化進士

冷珂

四川人嘉靖進士

冷起元

字維貞益都人嘉靖辛丑進士歷太僕少卿

永

見姓苑

漢

永石公

列仙傳

明

永銘

陽朔人洪武舉人

永穎

富順人洪武進士

永年

廣西人景泰中任歸安縣訓導

輕決時有被一笞一鞭者衆必賤之故人皆知愧而犯之者少九年以江浙行省薦陞本省都事聲績尤著先是象山知縣孔立有惠政民以孔冷並稱

冷融

字季和世光裔孫授岳州府學訓導陞樂陵縣學教諭中式時有司題其坊曰登雲

冷曦

字景暘新昌人洪武間任御史剛正不阿劾都御史劉觀并各道壞法御史百司震恐人稱為

冷鐵面

冷致和

上高人宣德丙子舉人

冷寶

丹陽人成化中宜黃縣丞

冷顯

遠安人成化中全州知州



靖 風俗通單靖公之後又齊靖郭君後望出中山臨海

周 靖郭君

隋 靖德玄

唐 靖君亮 號陳留八俊

明 靖宣 太原人洪武中撫州府通判

靖舉 大名人弘治中任訓導

靖希賢 長治人正德中河間知縣

靖洪 宛平人儒士嘉靖間鴻臚寺卿

永密

鉛山人成化舉人任知縣

永森

瀘州人弘治初曹縣丞

秉

見氏族志

漢秉寬

省見姓苑

周省倉

宋大夫

明省凱

壽州人弘治中萍鄉縣知縣

省侃

印江人正德中江西分宜縣丞

靖鳳翔

潭源州人嘉靖中任清流縣丞

靖四方

河南人嘉靖間湖廣永州府同知

猛

晉大夫猛獲之後出城陽

周猛足

太子申生臣

猛獲

晉大夫

苻

漢

苻不意

苻吾

見印載

項

漢項憲見印

載

井

音井見直音

郢

州名見姓苑

杏

見姓纂

二十四週

鼎

見姓苑

周

鼎革

楚人

宋鼎澧兵馬知監  
死于金難

鼎利朝奉  
大夫

鼎發淳祐  
進士

冥

漢冥都丞相  
史

迴

漢迴克見印  
藪

茗見姓苑

欽定四庫全書

萬姓統譜

十九

並見姓苑

二十五極

洗 其極切音省又音線

晉洗勁南海人家本武帥至勁讀書尚節操為廣州中兵叅軍海寇盧循攻城被執循欲釋之勁叱曰


賊奴乃欲凌國士耶遂遇害贈始興太守謚忠義

宋洗雲舉

知化州

明洗光字汝實順德人弘治丙辰進士歷工部侍郎

洗嘉謨南海人弘治中舉人



萬姓統譜卷八十七